

A·CHIK GOLPORANG

(GARO FOLKLORE)

BAK II

Acc. No. 317

Class No.

Book No.

Author

Title

DISTRICT LIBRARY

**EAST GARO HILLS DISTRICT
WILLIAM NAGAR**

Accession No.

1. Books may be retained for a period not exceeding *fifteen days* by members.
2. Books may be renewed on request at the discretion of the Librarian
3. Dog-eared the pages of a book, marking or writing therein with ink or pencil, tearing or taking out its pages or otherwise damaging it will constitute an injury to a book
1. *Any such injury to a book is a serious offence; Unless the borrower points out the injury at the time of borrowing the book he shall be required to replace the book or pay its price.*

Help to keep the book fresh and clean

A·CHIK GOLPORANG

(GARO FOLKLORE)

BAK II

Published by

DUDON-ING K. SANGMA

Retired School Teacher, Tura

All Rights Reserved

1st Edition 1962
2nd Edition 1963
3rd Edition 1965
4th Edition 1970
5th Edition 1974
6th Edition 1978
7th Edition 1984

U·I·A·T·A·N·I·R·A·N·G

A'chik Golpo Bak II ni gualanirangko namate, golpo mingsa aro agan-me'apa aro kujikserangko adita on'dape chapa ka'attaiaha. Gualanirang dongnaba donga.

Lekarangni aro gipin gipinrangni dam agre rakahani gimin damrang rakbatna nangskani ong'aha. Agre lap cha'enga ine ka'sapae chanchi-panabe ine mol'mola.

'Ango tangka sona gri; indiba
ango je gnang uko jatna on'a.'

Tura,
1st January, 1974

87/4
11496
Dura

D. K. SANGMA,
Rtd. Teacher,
Tura.

JA·PANG KATTARANG

	Ja·pang kattarang	Jak.
1.	Balgitchak	1
2.	Metra aro Atching	3
3.	Ma·gri Abisa I	4
4.	Ma·gri Abisa II	8
5.	Ma·gri Abisa III	12
6.	Ma·gri Abisa IV	16
7.	Amak aro Ki·sing	18
8.	Saksan rakja	23
9.	Chongchongminda	26
10.	Goerani Milam	31
11.	Do·dikki	34
12.	Wak aro Achak	35
13.	Sal aro Jajong	37
14.	Do·kua	38
15.	Gure rodilao Minge Ring·ani	40
16.	Ranggol	42
17.	Menggo aro Matcha	44
18.	Nokdonggao Ring·ani	45
19.	Do·kru I	45
20.	Do·kru II	48
21.	Do·kru III	52
22.	Do·kru IV	55
23.	Do·kru V	57
24.	Do·kru VI	59
25.	Wangalao Ajiani	61
26.	Ka·sot	63
27.	Munni	65

	Ja'pang Kattarang	Jak.
28.	Kanchurini Katta ...	67
29.	Gorial aro Me'chik Bi'sa ...	68
30.	Salgi aro A'a ...	69
31.	Wanao Ajiani ...	70
32.	Ampok Ja'samgittam ...	72
33.	Sapau aro Peru ...	73
34.	Sikari aro Peru ...	76
35.	Gonggang ...	77
36.	Bol den'a ...	80
37.	Jiksese aro Pante ...	81
38.	Songdu aro Dura ...	84
39.	A'chik Wangala ...	88
40.	Nanggorere Goserong ...	90
41.	Jajongko Ra'ani ...	93
42.	Me'gam-Gairipa Dikil-Singiripa ...	94
43.	Mongma aro Peru ...	99
44.	Depante sio grapani ...	101
45.	Silkamal aro Mande ...	103
46.	Buchuma aro Budepa ...	106
47.	Tapli meso ...	108
48.	Aganme'apa ...	109
49.	Ku'jikse ba Katta Jikse ...	120
50.	Bilsi Kari ...	123
51.	Chratang Depanteni sio mangtatè grapa ...	128
52.	Ku'jikse aro Aganmeapa ...	131
53.	Ku'jikse aro Kata Bichongrang ...	136
54.	Kore Bima aro Me'chikma ...	139

BALGITCHAK

Changsao balgitchak mangsa chi ringna chiring damsana re'bae, chi ringmitingo ua ja'gri jakgri etchaluk mangsani ro'ongo male cha'amengako nikaha. Balgitchak uko nike ka'dinge chonnike, 'Che, na'ade mo ! ja'gri jakgri, ku'sikchisa rama re'aiake, angni ja'kusa ga'akon, salsni walsni re'oba sokpajawa da'nang na'ade' ine aganaha.

Uko knae etchaluk ka'dingsimite balgitchakna aganchakaha. 'Na'a angko chonnikoba, anga nang baksa katusana on'tisaba kena grisrang. Nang'mung angmung katusae niosa uigen, Ja'a jak gnangipan gongrakbatama, ja'gri jakgri ku'sikchi re'aigipan gongrakbatama?' Uko knae balgitchaka ku'sik songdoe ha, ha, ha ine ka'ding-aha. Hai ja'gri indide an'ching ka'dinge rona gita katusae nisirangna, ine balgitchak 'aganaha. Indide an'ching a'dok damsni chiring damsniona katusana ine sal ba somoiko manchie donaha.

Unon etchaluk an'tangni ma'drang aro ripeng-skarangko okamtoke aganaha, 'Balgitchak an'chingni jat ba ma'drang gimikkon ja'gri jakgri ku'sikchisa re'aia, angni ja'kusa re'akon salsni walsni re'oba soknan man'jawa' ine chonnikaha. Uni gimin uni ra'biako anga ra'chakaha. Da'o anga unbaksa katusana, sal manchie donaha.

Hai an'ching ku'cholsan aro gisiksan ong'e nangrime daktokna, unode an'ching amna man'gen. Jensalo balgitchak chiringantiona sokgen unon sokna skangan chup chap ine mikosotokaibo, ine agane biaptangtangchina watatckaha.

Manchiani sal sokon balgitchak chiring damsiona re'baaha. Je biaponi uamang katcheng-na tik ka'grikachim. Etchaluk balgitchakna aganaha, 'Na'a chiring dilantiona sokon hop, hop ine mikobo, angara chup chap, ine mikoskagen,' ine aganaha. Unon uamang dam-san katna a'bachengaha. Balgitchak gongrake katangenba chiring dilsaona sokna sepangahaon etchaluk chup chap ine mikosoaha 'Atchai, etcnatukan angnade skangaljok ke,' ine balgitchak aganaha. Aro balgitchak gongrakbat katangtaienba chiring dilsaona soktainasion etchaluk chup, chap ine mikosotaiaha. Unon balgitchak, 'Aiao, ja'gri jakgri mangmangba angna batnasijokmasai,' ine chanchie duk man'aha. Uni gimin balgitchak krengbatroroe katoba chiring dilantiona sokna skang skangan etchalukan mikosoaiachim. Anga etchalukna mangmangde batna nangchongmota ine balgitchak chanchie krengjumange kataioara boljadilo ga'krokmanenba jak be'e siaha. Da'nang balgitchak etchalukni chalakiko uipajaha.

Pilakkoba chonniknabe, nangrime ku'cholsan dakanichi da'a kamko chu'sokatna. Indaka kam-

kon Hohoesa pakchara, Sursongesa wegara, ine agana.

METRA ARO ATCHING

Salsao me'tra saksa a'ba a'seoniko am'bol sotengachim. Unon am'boloni atching mangsa ong'kate metrani ka'ba'kko chikaha. Unon ua to'tro ong'e jagokon attea gobranga gita tang'angaha. Ua attea mat mangsani ki'meko den'sota gita dake chottomataha. Matba to'tro ong'jole bolchi maldoange te'be biteko tinsotataha. Ua te'be biteara ga'akbae bolja'pahgo tusienggipa balgitchakni gingtongo ga'akdapeaha unon balgitchakba jagipue tingbang katangoa wak bipani tusienggipa bitipko ga'prue katangman'aha. Wakba jagoke gincheng grimchi katchichiangon do'si do'pit jinmani bitiprangko mochichia gita dakate bitchirangko ga'akonattokaha. Do'si do'pitrang kenjagoke bilding bildang bilpripraoa mongma matteni nachikol ning'chi bilgakangmanaha. Unon mongma matteba dongtojae katjojoangoa mande, saksani a'bani mirangko katangman'e namen binekatbeaha.

Unigimin a'ba nokgipa mongmako so'otna am'aha. 'Angni dos ong ja, do'si do'pitrangni

a'selsa. Maina uarang angni nachikolo bilgake angko dongtogija dakatanĩ gimin katbingbangmanaha', ine mongma aganaha. 'Chingaba ong'ja, wak mattesa katchichie bitchirangko ga'akate be'atokaha,' ine do pitrang aganaha. Wak matteba aganaha, 'Angaba ong'ja, balgitchaksa angni bitiptango tusimitingo ga'prue katanga.' Balgitchakba aganaha, 'Angaba ong'ja, matsa, angni bol ja'pango tusimitingo angni gingtongo te'be biteko ga'akdapata.' Matba aganaha, 'Angaba ong'ja, me'tra saksasa an.tangni atteko gobrange angni ki'meko chottomataha '. Me'traba aganaha, 'Angaba ong'ja, ia atchingsa angni ka.bakkao chikaha.' Indake sul sul sandie nioa, atchingkosa dos ong'a ine nikaha. Uni gimin mini nokgipa atchingkosa kang'kareo kajangjote nokchina sale ra'angenba onggareo ripoe doneaha. Indakesa atchingni be'enara da'ona kingking git-chaka aro kang'kareara jang'jota ine agana.

Dosna krae man'skaa i gnang.

MA·GRI ABISA I

Badiaba song damsao ma'a paa gri abisa dongachim. Uamangni ma'de ma'jong aro wanga paaba dongpajachim. Songni nokni manderang-

ba uamangko nirok sandipajachim. Cha'anirangkoba on'patokjachim. Batesa uamangko songo noko dongpana on'gija a'riktokaiachim. Indaken uamang abisa songoni katange burung joljol brangrroe, bol bite, wa'a bite, aro jeko nika uarangko cha'angroroaha. Da'nang uamang abisa songgri, mande gri, a'bimandu a'chang diltugipa biapona sokangpilaha. Jonggipa chi ringna sikbeaha. Indiba chikon man'jaha. Abitang jonggipako biap damsao donange chiko am'na re'angaha. Abitang chiko am'roroangen brangangpilaha, jonggipaona re.bapilna am.oba ramakon uipiljaha, Jongtangna ka'sae wal sal graproroe aro okamroroe, cha'ani ringani gri am'beahao-ba man'jani gimin duk man'bee neng'a aro okkria amchakjaenba bol ja'pango tugope janggi galaha.

Da'nang jonggipade abitangni giminde mamungba uipajae mikron cham'pile nisoaha. Jonggipa abitangko niksojani gimin grap grape okamaha. Bolrango ga'kattaitaie abitangko okamaha. Indiba mamung ku'rangkon knajachim. Indaken jonggipa graprroe aro okamroroe am.angen uaba brangangaha. Indaken ua aruak gasampe aro te'pattang minbeengako nikdikeaha. Jonggipa okkriahani gimin bolchi gadoange ake cha'enba abitangko okamaha. 'A'ba aruak gasambe cha-kame re'babo, re'babo, tepattang chi'bea cha'ebo,' ine cha'e okamitingo matchadu jiksesa burung

joljol re'bae nikdikeaha. 'Maronchi maronda seenga,' ine uamang ,agangrike am'oa mande bi'sani te'pattang cha'engako bolkambeon'iko nikataha. Mande bi'saba nicate kenbeaha. Matchadu budepa nigitoe, 'Angsu nang'ni cha.enggipa biteko akatpa'ku,' ine aganaha. Mande bi'saba bang'en ake galonathaha. 'Oh, he, angsu nang'ni katamdamosa ga'akejokae, aro akattaiboda ' ine ge'ettaiaha. Mande bi'saba uamangni sambaonan ake galonattaiaha. 'Che, che, angsu da'oba nang'ni ki'gongdamosa ga'akejol,' ine tol'ataiaha. 'Na'a chingna ka'sapaode, adita ake ra'onbabo', ine uamang bi'sako aganaha. 'Angade kena, na'simang angko chike cha'gen,' ine aganaha. 'Chinga nang'ko chike cha'jawa angsu ine salko jako aski tanoriko minge matcha-durang mikchetaha. Indiba mande bi'sa bebe ra'na man'brejaengachim. Jeba ong'bo, cheksisa ake bol tong'saona ong'onbae mande bi'sa ja'sio kepe on'ataha. Unon matchadu budepa bilchroke bi'sani ja'gitoko rim'e rang'san salonaha. Unon bi'sa watpachina grap grape mol'molaha. Indiba uamang knachakgija batesa koksepo chipe nokona olbae, nokkimani wak nolo chipe doneaha. Da'nang mande bi'sanade mamung cha'anikoba on'jaha.

Pring wala seng'ahaon, matchadu jiksesa an'tangmangni depanteko ge'ete aganaha, 'Atamo,

mejalo chingni man'bagipa do'kling bi'sako doke gedamung puramung song'e donsobo. An'chingni nokkimaŋ waknolo chipe donenga.' Mande bi'sa uamangni agangrikani kata'ko knasoe namen duk man'beaha. Mepring cha'manoa, matchadu jik-sesa cha'aniko am'na burun'gchi re'angaha. Matchaduni depanteara mande bi'sa gitan apsan dake dal'achim. Indiba mande bi'sara an'gil-gitchake nama aro nitoachim. Matchadu bi'sara an'gil gisimbeachim. Uamang sakgnian pante chadrobamitingchim.

Ma'a paani nokoni re'angani ja'mano mat-chadu bi'saba do'kling bi'sako nina nokkimani waknolchi re'ange nieaha. Unon ua mande bi'sa-ko nike, 'Aiao na'de! an'gil gitchake, nambea nitobeake, maiko cha'e ringesa indita nama aro nitoa na'ara!' ine matchadu bi'sa sing'aha. 'Angade pangnan chiko bokbapile ritchengesa auronga. Indake aurongode be'enoni pilak moilarang bon'en talanga, unode an'gitchake nambegnok aro nitoe nikgnok,' ine mande bi'sa aganchakaha. 'Na'aba anggita an'gitchake nampana sikode, rongbol dal'gipao chiko tital tital ritenba aubo. Unode nang'ni be'enoni pilak moilarang talangen. Unon nang'koba anggitan an'gil gitchake nikgen,' ine mande bi'sa aganaha. 'Na'a angni agana gi'a aue nipana sikode angko waknoloniko watbo. Anga nang'ko auatna man'a gita koksepo

nape waknolo nape dongskabo. Maina angaba waknolo dongesa sakgipinsa auatskara,' ine aganaha.

Matchadu bi'sa waknolni do'gako oe nap-angenba kokseponiko mande bi'sako wataha aro an'tanga koksepo nape dongskaaha. Mande bi sa koksepko kaenba waknolni do'gako tekaha. 'Na'a name dongsobo, anga chi ding'atna', ine mande bi'sa aganaha. 'Gong'rake chiko ding'atgalgalbo, auna sikbeengjok,' matchadu bi'sa aganaha. Mande bi'sa rongbol dal'gipao chi gape ruenba bakbak ding'ningchina gita am'bolko bang'en so'aha. 'Gong'rake auatebo, nang'gita an'gitchake ropana sikbeengjok da'oba chiding'kujama?' ine matchadu bi'sa sing'ataha. 'Anga chiko ra'ang-engjok, name dongsobo,' ine aganenba mande bi'sa rongbol gimikni chiko rugopataha. Da'nang matchadu bi'sade ku'saba agansrapna man'gija koksep ning'o siaha.

(Tol'achi sakgipinna bang'a namgijanirangko dakna man'a aro an'tangnara bang'en namgniko man'skara.)

MA·GRI ABISA II

Mande bi'sa bakbakan waknol ningachi napange kokseponi matchadu bi'sako bikote,' kimil oke

rae tete gedamung pura pue song'e donsoaha. An'tangba au miksue matchadu bi'sani ganding chinding ba'rarangko gane chine, ja.a jak aro mikkangrangko dim'ak nonge dongsoaha. Atamo matchadu jiksese nokona re'baaha. Matchadu buchuma, 'Dokling bi'sako song'soahama angde,' ine sing'aha. 'Oe ama, gedamung pura pue song'a cha'bo.' Unon uamang jiksese nokdecholo cha'aha. 'Angde, angsu, seengnikake,' ine agangrike cha'engako knae, mande bi'sa aganaha. 'Angan na'simangni depante, angni bisaksa seengengnaba donga.' Unon uamang jrip donge cha'aiaha. Aro name song'na changani gimin detangko mitelaha. Cha'maro uamang jatengani gimin nokgilsreko agangrike roaha.

Salsao ma'ningsa nokgilsreko ma'gipako tik niengachim. Mande bi'sa ku'chitangko mikrontango nongnonge, ka'siksike grapa dakaha. Unon ma'gipa, 'Mai ong'a maina duk ong'e grapenga angde,' ine sing'aha, Na'simang buchuma bubepa ong'angbeengjok, na'simang sae jome siangna nangode, angade saksan brange dongrikaignok, ma'drang bakdrangba dongpaja rang gamba an'chingo dongpaja. Uarangni gimin chanchiesa grapenga, ama,' ine aganaha. 'Aiao angde ! na'a maina indita duk mana aro grapna nanga. Chinga sina bon'na nangoba,' na'a maina simbraenga, chingni chimonggimin rang, gam, tangka

sona, ripok-sisa aro bara-kancha bang'bea.' ine ma.gipa aganaha. Ama, angade nasimangni chimonggimin gamrangko uipaja aro nikpajake, bebe gitaba na'simang angnade mesokpajade', ine depante aganaha. Unon ma'gipa donugimin pilak rong'koloniko mesoktokaha. Unosa bi'sa kusi ong'ako mesokaha.

Salgipino matchadu jiksesa cha'aniko am'na burungchi re'angmitingo mande bisa pilak gamrangko rikae chibima nalsachina ra'ange grim damsao donetokaha. Uni daka kamko matchadu jiksesa mamungkoba uipajaha.

Salgipino mande bi'sa ma'a paako chibimachi auna mong'aha. Chibimaona sokoa, chinalsachi gokarek bokdimdim balengako mande bi'sa nikate man'na sikbeako mesoke, ma'a paako re'ange ra'echina mol'molaha. 'Chingade chi jropana changpaja angade,' ine uamang aganchakaha. 'Na'simang man'jaode anga jroange ra'ena,' ine bisa aganaha. Indiba ma'a paa sina kenchake on'jaha. Depante grap grape kajanichaha, uko chakchikna amjae, ma'a paa jroangchina on'aha. Bisa kusi ong'en neng'mangijan jroange chinalsachina sokangaha. Mande bi'sa an'tangni gana ba'rako okgale, matchadu jikseseana mesokate aganaha, 'Da'ode na'simang angchiko name niatbo; na'simangni depante ong'ama? ba na'simangni rim'bagipa mande bi'sama? Na'simangde bi'sa-

tangni be'enko gedamung pura song'ako cha'a da'nang,' ine mande bi'sa aganataha. Uko knae uamang name niatoara, mande bi'sasa ine uiataha. Uamang namen ka'o nangbeaha. Indiba chinal-sachi re'angna mamung cholkon nikjae rokom rokom ka'saani kattarangchi mol'mole re'bapilchina aganataha.

'Anga na'simangona re'angpiljawaha, indiba na'simang angona re'bapana namnikode, anga na'simangko sia sijana kingking aldu-mitanggen aro na'simang angona re'banakode, gurako e'salko katipe aro uno rim'e jrobabo,' ine aganataha. Mande bi'sani aganata gitan gurako katipe aro gurako sakgnian rim'e jroangoa, chijatchiona sokaha. Mande bi'sa, Angona sokbaningna sikode e'sal katipako su'pongbo,' ine aganataha. Unon uamang e'sal katipako su'pongoa, gura-o chi gape napaha aro matchadu jiksesean chi ringpeke sitokaha. Unon mande bi'sa, da'ode anga mamungnaba kenani griaha ine kusi ong'beaha.

(An'tangtangni dakgimin kamrangchin an'tangtangan sironga. Indakakon grongtangan mata, ja'chingtangan bu'a ine agana.)

M·AGRI BISA BAK III

Pante bi'sa an'tangni gamrangko rong'kol dam-saona rikan'goa, ua rong'kolo dal'begipa chipu nokma dongsoengachim. Ua chipuko dokenba uni bigilko manggimik kike salo rame ran'ataha. Aro uno an'tangni gam gimikko chipe dontokaha aro ant'angba rong'kolon dongpaaha. Ua rong'kola saksu nokmani a'ba a'sesamo ong'achim. Ua a'bani mirang minna a'bachengaha. Do'si do'pitrang cha'engachim.

Nokma saksao demechik sakgni gnang. Uamangoni abitangna bate nogipa mande daknangachim. Salsao pagipa uamang abisako a'bachu do'si do'pitni mi cha'ako rikchina watataha. Pante bi'sa uamang abisako nikataha. Indiba uamang abisade ukode nikjachim. Pante bi'sa abitangna bate nogipako mikchabataha. Uamang abisa jamsreko niwate, do'si, do'pita, miminna minnako cha'angbo, giting gitingko donangbo, sia, sia, ine a'hokaha. Nogipani 'chrike a'bokè rikode, nang'kode mikchara, ine a'bokchakaha. Indiba abitangni agane a'bokode nang'kode nio cheksari nanga, ine a'bokchakaha. Uko knae uamang abisa suama samama miterna mande ine jajreng kene ong'kataha, uamang jrip dongode, uaba jrip- dongpara. Uamang do'siko chrik, chrike a'bokè rikode, uaba apsan katarangko agane inchakrongachim.

Maia chongmot ong'a, uko uisrangna ine, abitang ka'dongdrae a'ba a'sejoljol do'si rikjoljole aro abokroroe am'angaha. Indiba mamungkoba nikjaha aro abokaba dongjaha. A'ba a'sejolgi-mikko re'dule jamdapon a sokpiloba ua mamungkoba nikjachim. Do'sia de'pita mi minako. cha'angbo rongbokako donangbo, sia, sia, ine nogipa do'sirangko arikaha. Unon panteba nangkode mikchaa namnikachim, ine inchaktaiaha. Unigimin nogipaba a'sejoljol do'sirangko rikjoljolangaaha. Pante uko niksoe rongkolni ongkate an'tangko mesokaha. Uko nikon mechik bi'saba mikchaaha, maina ua panteara sakgitchak aro mangrorenge namachim. Gisik kattaba mikasal aro ku'barangba ku'basal ong'achim. Uamang ru'ute agangrike kimgrik donggriknan tik ka'srangaha. Pante una an'tangni gimikkoba mesokaha. Pante ua me'trana aganaha, 'Na'a angko man'na skode, nangni ma'gipa pagipo janape bi'bo. Uamang on'jaode kalima dake mi jamo dongnubo,' ine agangrike nogipa jamdapon a re'angpilaha. Angaba mamungkoba nikja ine abitangna agareaha. Uamang abisa nokona re'bapile mi cha'mano, metra bi'sa ma'a paona re'ange, 'An'chingni a'basamni a'seo dongenggipa rongkoloni chipu nokma dal'gipako angna do'si do'doke on'bo,' ine bi'aha. Uko knae ma'a paa an'skite jagoke aganaha. 'Aiao, ama, na'a, jumangma dalmangma, kore chaama, konche

itengama, jinma, rongmani dakgija sugijako kimna dongna' amara, indakede dakja, miteba patija ra'ronja. Na'a sekimna debana sikchongmotode, angni gri angjongkon sing'e sane on'genchim. Maikaisa ama, na'ade, chipuko matpukosa kimna dongna ama,' ine manenge aganaha. Indiba demechik ma'a paani aganako knachakjaha. 'Na'simang ua chipu nokmako angna sale rime on'jaode, bolgongdangko amaigen, olbak besa kaigen. Oko gimin sikjawa, na'simang mikkang nikjawa' ine demechik grape aganaha. Uni walon demechik nokoni kate mi jamo dongnuaha.

Pring wal seng'o demechikko nikjani gimin am'e, sandie, niame am'oba nikjaha. Songgimik nokgimik salgni walgni am'oba man'jahani gimin banoba maibakai siaha ine chanchiaha. Ja'mano sigipako mangon mang'senge donna chanchie chuna, mina merong su'atna ine nokolrangko jamoniko mi bikotna ihe napatosa noksikoniko me'chik bi'sako nikaha, aro ma'gipa pagipaona rimbaaha. Ma'a paa kusi ongen demechikni bi'ako dakchina on'aha. Pagipa nokkolrangko asok dale watenba a'basamni rong'kolo dongeng gipa chipu nokmako rim'e ra'echina watataha. Nokkolrang asok sae rikome napataha. Unon pantea chipu bigil ning'o nape dongachim. Nokkolrang chipu nokmako songo nokona ripee ra'bae dingtang noko chipu nokmamung demechikko damsan chipdime donaha.

Walangahaon pante chipu biglioni ong'kate matchadu budepa aro buchumaoniko man'gipa gamrangko bikottoke, jikgipana ja'ona, jakona, gitokona aro nachilona sonani tangkani ripok, tangkani ripok, jaksan aro rokom rokom ganani-rangko pataha, aro nama nama ba'rarangko ganat chinataba. Adita waltingangon demechik ma'a paako okame. 'Aiao, angkode chipu nokma minokengjok, re'bae niepabowai,' ine chrikhaa. 'Skanq intalan indake onqgen ine beng'achim, amatang man'atangni kam ong'nan nanga,' ine ma'a paa aganaha aro re'ange niejaha. Dikdikprak dongarin demechik, 'Aiao, apa chabae niebo, ja'gitdokona, kang'kareona, jakona, gitokona, gingtingona aro nachilona soke angkode minokengjok,' ine mingprakpraknan chrike okamaha Indiba ma'a paa re'angjaha. Waljatchi ong'on demechikni ku'rangko knajaha.

Pring wal seng'baon ma'gipa pagipa nokkol-rangko watate niateaha. Uamang re'ange nioa, ja'ona jakona, gitokona gingtingona aro nachilona sonani, tangkani nitobee dakgiminranko aro namnambegipa ba'rarangni ganding chindingko gane chine nitogipa pantemung kusi ong'e roengakosa nike jagokmanpilaha. Nokkolrang bakbakan re'bae an'tangtangni nikkiminko ma'gipa pagipana ka'sik oksik dake aganeaha. Indiba ma'gipa pagipa bebe ra'na man'ningjaha. Ja'man

kitiko ma'gipa pagipa re'basrange niaha. Uamangba aiao inmanpile jagokpilaha. Ma'gipa pagipako niksoe aro chawari kusi ong'e rim-chaksoaha. Pagipa demechik chawariko do'si do'doke songni nokni manderangna matchu wak doke, chu mi on'ne kusi ong'e cha'at-ringataha.

Da'ode da'nang ma'gri bisaba mande ong'pae nokma ong'paaha. Indaka kamkon,

('Miran ja'skuo tangchaa gita, te'sok noksurio wega'a gita' ine aganronga.)

MA'GRI ABISA IV

Abitangba nogipani se namako man'e rang gam bang'e man'ako nike mikbokaha. Uni gimin uaba chipu nokmako se kimpana sikaha, maina ua nogipani ja'ona, jakona, gitokona aro nachilona ganako nike ganpana man'na gita ma'gipa pagipao bi'aha. Ma'gipa pagipa, 'Saksani man'a gita na'ade ong'pajanaba donga: unigimin na'ade nangni namnika aro mikchara me'asako kimskabo' ine mol'mole aganaha. Indiba uaba manijaha aro mi chi cha'gija ringgija dongaha, aro walo nokoni ong'katange mi jamo dongnuaha. Ukoba

ma'a paa aro songni manderangba am'aha Indiba nikjachim. Salgnimangni ja'mano nokolrang ukoba mi jamoniko nike ma'a paaona rimangaha. Ma'gipa pagipa duk mane chipu nokmako am'e ra'echina nokolrangko watataha. Nokolrangba salgimik rongkolantioniko am'roroe jenten chipu nokmako nike asoko chipe ra'baaha. Ma'a paa ukoba dingtang nok rike donaha.

Meatam cha'man ringmano me'chikba chipu nokmako donram nokona re'angaaha. Adita wal-angon chipu nokma me'chikko ja'o chikkapenba minokna a'bachengaha. Unon demechik ma'a paako grape, 'Angkode chipu nokma minokeng-jok, dakchakebo, dakchakebo' ine okamaha. Indiba ma'gipa pagipa, nogipana gitan ja'gitokona, jakna, gitokona, gingtingna aro nachilna tangkani sonani gananirangko patengasa ine agane roaiaha. Da'nang nogipa gitan mingprakprakona sokaan-tion grapgrape ma'gipa pagipako okampaachim. Adita ru'utani ja'manon demechikin ku'rangko knajaha. Pr'ng seng'o ma'a paa re'ange nioa, demechikko minoke gingengingen dake chipu nokmani dongengako nikeaha. Uamang rang-sanan chipu nokmako sko sote, demechik sagiko bikotaha. Ja'mano te'rik mringko chap dake chipu nokmako sottongtonge chapo donaha aro demechik sagikoba unbaksan pujue uri ganding chinding aro pilak jakkalanirangko galchapataha.

Aro demechik sagini ja'sio do'regipu mangsako do'jasi kae chibimao balpakataha. Do'bipa 'Gokarekgok nokman demechikkode chipu minok-jok,' ine chi ka'machina gisikroroangaha.

(Gipinni man'ana mikboke dakpaiode namgni dongja. Indakakon 'Gipinni meseng cha'ana ku'chi mitapa, jawani dama dokana aro bangsi sikana chrokpaia,' ine agana.)

AMAK ARO KI'SING

Badiaba biap damsao amak aro ki'sing dongachim. Uarang manggni besa kagrikachim. Salsao uarang asok wate na'tokrangna sana ine chiona re'angaha. Amak gong rake re'angsoenba chigitok namgipa biaprango an'tangni asokrangko sae donsotokaha. Ki'singba biapona sokon an'tangni asokko sapanam on biapkon man'pajaha. Biap damsao sana dakoba, 'Unode anga sajok besa,' ine amakan kange ra'eachim. Indaken biapan-tikon, unoba angan sagen; unoba angan sagen ine aganaiani gimin biapkon man'pajae wak auring-gipa chidobleko asoktangko galenba ki'singba donange nokchi re'angaha, aro amakba re'angaha. (a).

Pring wal seng'on, uarang manggnian ku'monge asok saako nina re'angaha. Amakde an'tangni asok saako skang nisoenbe na'tok naparangko toktoke cha'roroangaha. Besatang ki'singnade on-pajaha. Angni asokode na.tokan nappaja ine tol'aha. Ki'sing besatangni tol'ako uie namnikjaha. Da'nang ki'singba an'tangni asok' galchipang-gipako nina re'angaha. Uni asok galchipang-gipao wakmate nape ong'katna man'gija dongengachim. Uko nike ki'sing an'tangni ra'-anggipa gol'dikchi dokaha. Wak uwek uwek, ine gam'e mikoaha. Uko amak knae, 'Maiko dok-enba mikoatenga besa,' ine sing'ataha. 'Baosa mamungkoba dokja, angasa chrike roenga besa,' ine ki'sing aganchakaha. Dikdiksa dongarin ki'sing wakko doktaiaha. Wakba gam'e gam'e mikotaiaha. Amakba chabastange nieaha. Wakde sisomanjok. Amak ki'singni gol'dikko ra.galgale bilgni sigimin wakko dokaha. 'Besa na'ade, angni dakchakeja-mangmangode wakko man'rikjawahachim,' ine agana dakmaiaha.

Ki'sing wakko jik dedrang nipachina gita nokona ripena amakko ku'mongaha Indaken uamang wakko kae ripeaha. Adita re'ari, 'Besa angade amjaengjok, on'tisa neng'takna,' ine agane amak ongalaha. Indaken amak on'tiprak riperi neng'taka dakaiachim. 'Besa an'chinga wakko nokona sokede ripena amjawa, uni gimin ianon

rae tete, wasingo brae 'brentoksrange mitamko an'ching' cha'na, mitamko nokchina ra'na,' ine amak aganaha. Ki'singba namnikpaaha. Indaken uamang wakko rae tete wa'sing sindame brengtokaha. Wak brenga mintokahaon amak ki'singna aganaha. 'Hai, besa' an'chinga hawa gitting gongdango gakate mitamko cha'na mitamko nokchina ra'na. Maina an'chinga wa'al chakani gimin ding'enga' ine amakni, aganako ki'singba namnikaha. Indiba ki'sing 'Angade bolkon gadona man'pajake,' ine aganaha. 'Na'a maina jajrenga besa, angan nang'ko saldoaigenba,' ine amak aganaha. Uamang damean wak brenggimin wa'singrangko gitting ja'pangona ra'angaha.

Amak brenggimin wak wa'singrangko giting gongdangona ra'doangchengtokaha. 'Da'ode nang'ko ra'dona besa, angni ki'meo rake chikapbo,' inani gimin ki'sing amakni ki'meo chikapaha Amak bolko maldoangaha, adita maldoangahaon,' 'Aea, sabejok besa, sabejok besa, nang'ni chikapako watpakubo,' ine chrikana watoa ki'sing a'aona ga'akbaaha. Indaken changgni changgitam ra'dotaitaia dakaha. Amak man'ja dake ki'singna aganaha. 'Besa na'a a'on dongsoe suk onge cha'sobo, anga nang'na wak be'enrangko galon'atgen, kek inako cha'bo, dip inako cha'nabe,' Ki'singba namnikpaaha. Amak giting bolchi maldoange gongdang namao asonge be'en nam-

arangko cha'e grengrangko ki'singna on'ate aganaha. 'Wai, besa nisobo, be'en rangko onatenga,' ine grengrangko galpriprae galonataha. Da'nang ki'singde kek ine ganggipa biapantichi charoroe nioba cha'gimin grengarakosa nikaia-chim. Dip ine ga'akegipara wa'sing ong'achim. Ki'singde wak be'en teng'samangko cha'e nipanan man'pajachim. Amakni togiako man'e ki'sing duk aro kratcha'ako man'beaha. 'Skal na'an cha'tokbo. Wak be'en gimiko cha'manode na'aba chiko ringgen. 'Angko togiahani gimin angaba nang'ko ajak sokskagen,' ine ki'sing amakni chi ringronggipa chio napsrime timsoaha.

Atam salniangon amakba wak be'en gimiko cha'manoa, chi ringna sike an'tangni ringronggipa chiona re'bae bamgope ringmitingo ki'sing rangsan amakni agantogijao chikkapaha. Amak grap grape watchina mol'molbeaha. Indiba ki'sing uko watjaha. Amak ki'singko rabita gnang gengwak gengwak re'e nokona re'angaha. Da'nang amakde cha'oba, ringoba, tuoba, rooba ki'singko salbita gnangsa dakna nangaiaha. Amak namen duk aro kratcha'ako chakto-dongto-gijaniko man'skaaha.

Adita salrang re'angani ja'mano amakko ma'a norang maiba kam nangbeani gimin re'bachina okamataha. Amak jong-grirangko wa.se den'pru-sochina aganataha. Uaranga den'prusoaha. Sal

sokoa amak ki'sing, i chikkapa gnang salruru de-
 rurue ma'a noni nokchina walo re'angaha. Amak
 nokona sokoa, do'gachol gita napgija nokkimachini
 wa'se den'prusoa gitasa napangpilaha. Maina
 ua ki'singko nokkimachi dingdea gnang asongna
 nangachim. Amakni ma'a norangde iarangko
 uipajachim. Ma'a noni chu on'ako ringe amak
 uarang baksa kattarangko agangrikaha. Amokni
 jong-grirang sarao gila goe romitingo gritang
 saksani gila nokkimachi tang'angaha. Uko kolna
 napangoa mamatangni asonga tongtong maiba
 dingdea gita nikaha. Uni gimin gritang wa'jolko
 ra'enba rake supakatoa ki'sing a'aona ga'akaha.
 Unon mamatang amaksa an'chi pake gojrone
 siaha. Gritangde mamatangko ki'sing chik-
 kapenga inede u'ipajachim. Amakni rang'san
 siani gimin ma'a, no, pa—gachirang sandioa,
 ki'singni chikani giminsa siaha ine u'iaha. Uni
 gimin ma'drang gimik ka'onange den'skana—
 sonskana ine rimolchokko ra'dingdange dokkropna
 dakoa, 'Na'simangni rimol tong'kerang,' ine
 ki'sing aganaha. Una ruachi sukropna am'oa,
 'Nang'ni rua wakelong inataiaha. Wa'alo galchi-
 puna dakoa, 'Nang'ni wa'alba dikkimit,' in-
 ataiaha. 'Hai sa'samchi onkrope siatsrangna,'
 ine onkropna daktaioa, 'Nang'ni sa.samba ko'rak'
 ine ki'sing aganaha. Maiko dake ki'singko siatna
 man'gen ine uarang chanchie, chibimachi ra'e
 galsruaton chi ringpeke sigen ine chanchitokaha.

Uni gimin 'Hai an'chinga ki'singko chibimachi galatna,' ine ku'mongako knae ki'sing, hu hu ine grapa dakaha. 'Da'osa sina kenenba grapenga bia' ine uarang kusi ong'e chibima tu'begipachi ki'singko galsruataha. Unon ki'sing amak jin-mana ki'sang mesoke chiningchi napangaha. Indake onng'a kamkon ki'singko chio wata' gita ine agana.

SAKSAN·RAKJA

Badiaba song damsao saksamande dongachim. Ua mande, noksul songsul baksa dongrimjachim. An'tangni sadu-sade, mosa-boning aro jong-ada baksaba nangrimjachim. Songo-noko, sio šaoba aro a'jakagil rimoba re'pajachim. Indaken song-oni chel-beaosa saksan nokte rike jik deko 'dong-dilachim. Ua jikko dekoba gipinchiba ropana dongpana on'jachim. Segipani indaka kamrangko nike jikgipa duk man'beachim. Uno degipa sakgni dongachim. Saksade ja'reaha, aro saksade debrasakopitichim. Jikgipa segipako nama dakbewalrangko dakpachina aganoba knachak-pajachim. Changsao segipa antichi re'angaha. Antioni nokona sokani attamon maiba saako

man'bae walon segipa siaha. Da'nang, jikgipade maiko dakgen uipiljae kore chaa gita ong'pilaha. Songona nokona re.ange aganenaba waljok, unbaksanabe degipa sakgni, rama re'gipa bi'sako done re'angnaba namja. Songni manderangko chrike okamatnaba chel'ani gimin knasokjawa. Sakgipin mandea dongpaja. Indaken sikkimari ma'amari dongaiaha. Jeba ong'bo, degipa sak-sako nokdringo tuate, saksakoa ba'bite segipani manggisiko nokjangchio pujue donaha. Wa'alba dongja wal'mindiksa, segipa sagini skopengo asongtime grape dongengachim, nokdringode chudapo gantong dotsao wa'al dongpaachim. Adita waltingangon segipa sagini jontang dake, 'Bochi bochi angna do'ga opaku,' ine okamaha. Bochi-tang jongsarini ku'rangko knae adita ka' dimeaniko man'paaha. 'Do'gako'oe napbabo jong, angnade da'alde dal'bea a'sel ong'aha. Nang'ni adatangde antichini sokbarin sagitike siangjok. Angade saksansa duk ong'stape dongaengjok. Bochisa mutu mita dake nang' adako mangtue wal-sengatna,' ine aganaha. Jongsari do'ga obae napbaenba adatang sagini ja'chokchi hikhikari grapeaha. Adita dongangon segipa sagini manggisiko ritip ritip, krem krem, ine cha'engakosa bochitang knaaha. 'Him angai ! angse sagini jonggipa bebekon inesa chanchipaachim. Da'oa memangsa, skalsake, angse sagini manggisiko cha'ginok gose,' ine jajrengbeaha. Jeba ong.bo

maiba cholko dakna nanggnok ine chanchiaha. 'Jong na'a saksan nang' adako dikdikšana dongtimsopabone, anga nang'de dakgipako nokdringchi tuate donekuna,' ine agane nokdringchi napange wal'gandot dotsani wa'alko sipopoe cholrangko chanchiaha. Jongsariba, 'Bochi, bochi maisa dakchaenga, bakbak re'baboda, angaba saksan,' ine dikdikprakni ja'manon okamataiachim 'Da'mo jong nangde dakgipan tusingrangkuja. Tusiate donangna am'engachim, sengsokubo jong,' ine bochitang aganaha. Indiba jongsari bochitangko okamako dontongjachim aro manggisiko cha'akoba, dontongjachim.

'Anga sioba, tangoba, ia nokoni katsrangon nambatgen,' ine chanchienba nokdecholko rangsan oe degipa saksako ba'e, saksakorara jako sale chokone kataha. Degipa saksako salruru de'ruru dake ga'akattaitai gitchiltaitai grap grape, songni manderangko okamroroe songchina katangaha. Jongsarigipaba, 'Bochi angko gale bachi kata, sengkubo sengkubo,' ine okame ki'sang ki'sang rikangaha. Songni manderang knasoe chabatokaha. Da'nang bi'sa aro ma'gipade sibokpilaha. Songni manderangas detoma aro ripee nokchina ra'angaha. Un walon songni manderang bil'cham nate sigipani nokchi re'angtoke nieaha. Manggisi apan biapon dongenga, uni be'enkoba cha'a dongja aro uni jonggipa me'mangkoba nikjachim.

Wal sengahaon songni mandernng ganchi rike so'oa, angalni krong pilaha.

An'tangtangni namiting cha'miting salrango noksul songsulmung, jonga adamung, sadu sade, ripeng mande baksa kumong nangrimjaode, ja'mano jik dedrangko duk on'angipasan ong'aia. (Am'bolba ja'sande ching'ja, mandeba saksande rakja ine agana.)

CHONGCHONGMINDA

Song damsao Chongchongminda minggipa pante saksa dongachim. Uni pagipani siani ja'mano adita bilsina ma'ningsa damsan donge game cha'achim. Bilsisao Chongchongminda a'ba namako o'aha. Uni bilsion ma'gipa sae siangaha. Ma'gipa sagini ja'mano depante saksan game cha'rikaha. Ua a'bao mi misi aro me'rakku nambeachim. Indiba walantin wakjinma re'bae cha'erongachim. Walsao Chongchongminda sel'u ra'e time dongsoaha. Indiba unwalode wak jinma re'bajaha. Walgipinoba ua timsoaha. Ua walode wak jinma re'bataiaha. Indiba ua mangsakoba sel'uchi su'gija sruk sruk maluange ja'manchake re'badilgipa da'lbatgipa wakko ki'metongkao ketket rim'eaha.

Unon wak to tro ong e tingbang kataha aro gipin gipin wakrangba bilding bildang katangtokaha Chongchongminda wak ki meko rimakon watgija, jechi wak ka ta uchin su site re angpaaha Wakba ukon ra bita gnang katjojoange, damsa songona sokeaha Ua songara uni ma gipinin songan ong achim Uni ki meo rim gipa wakara uni ma gipa an ong achim me uina man aha Ua song me mangrangni song ong achim Chongchongmindani ma gipara wak me mang pile depanteri a bani nu misiko gipin wak me mangrang baksa re angpae cha erongachim Bang a salna Chongchongminda ma gipa baksa dongpae cha aha

Salsao ua songni me mangrang wa a den na ine burugchi re angtokengachim Chongchongmindani ma gipa detangko wa a denpachina watataha Uni gimin Chongchongmindaba atte ra e me mangrang baksa burungchi re angpaaha. Me mangrang wa tre bidamona sokahaoba wa a dongja ine am'roroangaha Chongchongminda uko nika wa a bidamko gale am angkuani gimin jajae nie dongengachim. Uamang gokarek chadamonasokeahaosa, uarangkosa wa a ine chadingdange den tokaha. Gokarek pangsakon me mangrang sakgni sakgittam tope den'aha, aro pangsakon tope ripetokaha. Chongchongmindaba gokarekkosa wa a minga ine uaha. Uni gimin uaba

gokarekko rim'sropsrope bange den'chimongenba kasrope ripebaaha. Uko nike me'mang jinma nikuake aiao inmanpilenba 'Chongchongminda bilaka, Chongchongminda bilaka' ine agane una kentokaha. Me'mangrang songona ripebae on'etokaha. Chongchongminda an'tangni ripebagipa gokarekko ma'gipani sarao ongaleaha. Unon songgimikan gam'ana jagipue totro ong'e kentokaha.

Salgipino me'mangrang matchokna chek sae mogomna ku'monge sel'urangko ra'e burungchi re'angtokaha. Ma'gipa chongchongmindakoba me'mangrang baksa re'angpachina aganaha. Uaba me'mang jinma baksa re'angpaaha. Me'mang jinma seksodam so'kadamona sokahaoa, a'gito-kanti chikareanti chekrangko satokenba time dongsotokaaha. Unon mitamrangara burungko sulsul dokchipchipaha. Unon gukchurirang kene bildingdange katoa me'mangrang kusi ong'e a'boke hohoe matchok katangenga name nisobo, su'sobo ine aganatokaha. Memang jinmani chrikani gimin Chongchongmindaba nisopaoa matchokkode nik-soja, indiba gukchurirangsa bilbrangtokengako nike uarangkon matchokrang minga ine ua uipaaha. Gukchurirangni bilbaengako nike Chongchongminda cha'roroe rim'sotokenba an'tangni kang'kareo siksepe ra'aha. Uko nike me'mang jinma matchok manggimik gimikkon Chong-

chongmindade rim'ari an'tang kang'kareo siksepe ra'na man'aia wai ine jagokchime aganaha. Me'mang jinmaba songgimikchi gukchuri manggitam man'paakon kaenba wa'pongo sakdok saksni dake bodol bodol ripee songona re'batokaha. Me'mangrang gukchuriko kae ripeani giminsa da'ona kingking gukchurirangni ja'gatengo a'kol donga ine agana. Me'mangrang an'tangtangni man'bagipa gukchuri manggitamkon rae tete songgimiknan sualtokaha. Chongchongmindade an'tangni man'gipa gukchuri gimikkon ma'gipani mi song'a chudapo so'e ange cha'aha aro ma'gipanaba on'paaha. Uni daka kamko nike songgimikan Chongchongmindade matchokkode manggimik gimikkon cha'goptokaia ine mitake agane rotokaha. Ma'gipa an'tangna on'paakoba chu'ongnikjae depanteko matchok man'baatangko saksan cha'gopaia ine jacha k'notipae aganaha. Chongchongmindade an'tangni man'baa gukchurirangko so'e cha'e tusiaha. Depanteni tusimitingo ma'gipa depanteni ku'sikko okreke wagam giseponi wakirangko jotroke chimongoa gitcheràsa man'aha.

Salgipino Chongchongmindani ma'gipa a'bachire'angnasion aganaha. Baba, na'a da'alde nokon dongaibo intango angsu angderang mi su'na re'batokgen ; na'a mi ramsobo. Anga walbaode wakchanggipok kasina alsopabo ine ge'ete donang-

aha. Ma'gipani agananga gita jamoni miko ra'one ramsoaha. Adita ru'uton do'si do'pit jinma bilbae mi rame donako cha'etokaha. Uko nike Chongchongminda rim'chimonge koksepo chipe donaha. Sal napangabaoba ma'gipa sokbakujani gimin wakna alna ine wakchanggipok kasiko okamoa, mapu dal'gipasa sko de'dang de'dange re.baengako niksoe ua uko rim'e natong teke kaenba noksiko donaha. Untalsa da'ona kingking mapurangni natongara konggranga ine agana. Attam simsimao ma'gipa nokona sokbae detangni daksoa kamrangko nikenba manenge inaha, 'Na'ade angni angsu angderangko ka'saninggija dake rosoake,' ine agane do'si do'pitrangko kokseponiko otdrae wataha aro wakchanggipok kasi mapukoba engataha.

Chongchongminda ma'gipa baksa bang'a salna me'mang songo dongani jamano songtangchina re'pilna sike ma'gipana aganaha. Ma'gipa depanteni bi'a gita re'angna on'aha. 'Indiba angde gisik rakbo, janggilchiko mamung saloba nipilatuabe, gualnabe angdene, nang'na namgijani on'g-chongmotgen. Chinga nang'ko rang kram dama dachi doke, tongsaona re'dilatgen,' ine agane me'mang jinmaba damadachi, rang kram doke rama tong'saona re'dilataha. Chongchongminda ma'gipani beng'a katako guale janggilchiko nipilatmanaha. Unon rang'san ua an'jrimjrim an'te-

srengsreng dakbaaha. Ua noktangona sokarin saro sajo dake antignimangni ja'mano bilonge sae sisrangaha.

Indaken uaba me'mang pilbae ma'gipani me'mang songonan re'angpaaha. Me'mang jinmaba uko niksoe kusi ong'bee bilakgipa Chongchongminda re'bataiaha ine rimchaksotokaha. Indiba me'mangranggitan gokarekko waa, gukchuriko matchok mingpana nangaiaha. Me'mangrang jekae, uandaken uni plak bewalrangba apsan ong'paiaha. Antangtanggitan pilak kamrangan apsan ong'paiaha ine nike Chongchongminda me'mangrangni chonnik ennike roako maniaha.

(Kata ra'gijani kam. Aganako raja kokkrengkon olja.)

GOERANI MILAM

Badiaba songo Ajepa minggipa silkamal saksa dongachim. Ua atte, gitchi, rua, sellu aro millamko doke ma'nderangna palrongachim. Ua dokna changbegipa aro uni dokarang matbeani gimin uko mingsingachim.

Changsao Jaha malua minggipa matchuri Ajepani atte dokram a'tipona re' bae, Ajepani asongani balmikkangchi chong'petpet asongchong-

kome millam dokengako nie roeaha. Matchuri millamko nike namen man'na sikbe'e millamni damko sing'aha. 'Millam pongprako mi torabri aro misi torabrina palronga,' ine silkamal Ajepa aganchakaha. Matchuri millamko brepana sikoba mi misi dongpajachim. Ua ru'ute asonge niti-mahani gimin okdite buut ine gam'e ki'siatmanaha. Matchuri an'tang ki'siana Ajepa-kamalna dokna kenbeaha. Indiba uni ki'siako namen similnikbe-aha aro ki'siattaitaichina aganaha. 'Na'a salantin angni atte dokramona re'bae ki'sie on'erongode anga nang'na millam pongsa te'rakrak doke onger,' ine Ajepa aganaha. Matchuri kusi ong'bee salsal uni atte dokramona re'bae ki'sie on'erongaha. Ajepa kusi ong'e milam pongsa te'rakrak doke matchurina on'ataha. Jaha malua matuchurini ki'siade pangnan simi'a ine manderang aganronga.

Matchuri millamko mane kusi ong'bee burung joljol re'angmitingo makkre bonda mangsako grongaha. Makkre bonda milamko man'pana sike, 'Mama matchurini man'ade nambejoksae, sani doke palako breaha, aro badita breaha?' ine sing'aha. 'Angade mamungchiba brepaja, indiba Ajepa kamalsa salsal uni atte dokaona re'ange ki'sie on'erongani gimin silkamal ka'sae on'atpa-asa,' ine makkrena aganaha.

Makkre bondaba millam man'pana sike Ajepani atte dokramona re'ange balmikkangchipak asong

chongkome boot ine ki.siataha. Uni ki'siara namen seengani gimin Ajepa ka'onange walchagipa silchi ki'sango tapataha. Makkre bondade da'nang ki'sang kamprakako man'e chrikwelwele re'angaha. Untalsa makkrerangni ki'sangranga kimil donggija gitchakkrangkrang dakaiaha.

Matchuri adita re'angtaion gritang Goerako gol'dik so'dikilako ra'bite re'baengako grongaha. 'Aiao! mamade baoniko millam te'rakrak nambeako man'bajoksai,' ine Goera sing'aha. 'Ajepa silkamalni atte dokao asonge ki'sie on'timana ka'sae on'atpaasa wai, anggri' ine matchuri aganaha. 'Angaba nang'ni milamko on'tisa de'e nupana mama'. ine Goera bi'aha. Matchuri, gritang Goerana on'tisa de'e nichina on'aha. Goera an'tangni gol'dikko mamatangna ra'bitsochina on'skae, an'tanga milamko ra'skaha. Ua millamko ra'e mamatang matchuriko den.ding su'ding dake mesokaha. Gritang Goerani den.na su'na am'ako nike, mamatang gol'dik ra'bita gnangan kene tingbang katangaha. Goera mamatangni milamko ra'e salgisak rangkambechina re'angksaha.

Indakesa Goerani gol'dika matchurini ki'me pit'skaaha aro so'dikilani gimin gisim gipok daka ine agana. Matchuri duk chake mil'amko man'aha, Goera uko togie ra'sekaha.

(Pangnan ongiparang bil gnanggipani ning'o ong-ronga. 'Duk chakgipa chekke, rasong man'-gipa koksı' ine aganronga.)

DO·DIKKI

Ia kattako skangni me'a aro me chik bi'sarang
dolgnı dake dolsa sing a gnanng aro dolsara
ıganchake ring'e kusı ong ronga.

Do dikki do·dikki maina bitchı chi'ja ?

Chi'ade chi'genchim, samsı ritimja.

Samsı samsı maina ritimja ?

Rite ritimpa'genchim matchu cha'sota.

Matchu matchu maina cha'sota ?

Cha'de cha'sotjawachim, rakkual nırıkja.

Rakkual rakkual maina nırıkja ?

Nıde nırıkgenchim buchuma me'kam on'ja

Buchuma buchuma maina me'kam on'ja ?

On'de on'pagenchim budepa e'sal akja

Budepa budepa maina e'sal akja ?

Akde akpagenchim kamal atte dokja.

Kamal kamal maina atte dokja ?

Dokade dokgenchim mande anggal so'ja.

Mande mande maina anggal so'ja ?

So'ade so'genchim wa'ma be'penga.

Wa'ma wa'ma maina be'penga ?
 Be'de be'pengjawachim gipbi tinsota.
 Gipbi gipbi maina tinsota ?
 'Tinde tinsotjawachim mitangana cha'a.

WAK ARO ACHIAK

Badiaba song damsao buchuma budepa jiksesa dongachim Uamango depante demechikba dongpajachim. Uamangni noko wak mangsa aro achak mangsa jilla dongpaachim. Uarangkon uamang depante demechik gita jakkalachim. Salsao buchuma wak aro achakko okame aganaha. 'Na'simang a'bachu re'ange a'a gamebo, jean a'ako nambate gama, una migiminko on'gen. Indiba arate gangipanade cha'chekosan on'aigen. Na'simang re'ange da'alo gamebo.' Wak aro achak mi cha'man ringmanoa a'bachu re'angtok-aha. A'baona sokarin wakde a'ba gimikkon antangni gingtongchi jillirina a'bachengaha. Sal rakbeoba ding'ako chaken neng'tak neng'rakgijan a'ba gimikkon salmatchi onchokon jilliria matchote nokchi re'bapile nokgiparangna aganeaha. 'Angan a'ba gin ikkode saksan gamenba sal tongsaon matchote da'o nokona re'bapilaha. Achakde gampagija a.baona sokangarin a'ba a'seni bol

salakkimo tusie roaia. Angni a.ba gimilko mat-
chote gammanaona kingkingan mikrakuja, angni
a'ba gammane re.baakon nikrikja,' ine wak
nokgiparangna aganaha.

Wakni a.ba gimikko gammane nokchi re-
bapilani ja'manosa achak mikrake nioa a'ba gimik-
kode wakan gamtokaha ine nikaha. 'Waknasa
migiminko on'aignok, angade cha'chekosa cha'na
nangaignok', ine aganenba a'ba gimikkon ga'-
chichi-ga.britbrite a'ba gimikon an'tangni ja'-
kolrara dakatenba attamesa achak nok'na sokang-
skaa dakaha. 'Wakde a'baona sokarin bol sala-
kimo tusie roaia. Angasa a'ba gimikkon saksan
gamtokaia', ine nokgipana aganeaha. Unon
buchuma budepa sawasa a'ako gamchongmotaha,
uko uina man'jae jajrengaha. Indiba sawa a'bako
gamchongmota uko nisirangna nanga ine jikse-
saan a'baona re'ange nieaha. Unon a'ba gimikon
achakni ja.kolrarakosa nikaha. Uni gimin achak-
na migiminko aro wakna cha'cheko on'aha.
Indakesa da'ona kingking achakna migiminko aro
wakna cha'cheko on'enga ine agana.

(Togiachi sakgipinko duko ga'akatna man'a.
Sakgipinni dakgimin kamko sakgipin jak dang-
dikpae namgni ba rasongko man'a. Ukon wakni
ja'kolo achak ga'dapa minga.).

SAL ARO JAJONG

Skangode Sal aro Jajong abisa ong'achim. Salara abitang aro Jajongara nogipa ong'achim. Uamang abisani dedrang bang'beachim. Jajongni dedranga askirang ong'achim. Abitang Salni dedrangba, nogipani dedranggitan bang'achim. Salsao nogipa abitangna aganaha, 'Abi an'ching abisani dedrang bang'dugaani gimin a'gilsako donggipa manderang aro gipin janggi g'ngangpiparangba an'chingni teng'suani ding'akon chakna ampilangjae bang'en dukko man'tokbeengjok. Unigimin an'chingni dedrangko minoktokna hai, indake dakjaode agilsako donggiparangde sitok bon'tokgen', ine nogipa abitangko mol'molaha. Abitangba nogipani agana kattako namnikaha. Sal an'tangni dedrang gimikkon minoktokaha. Indiba Jajongde an'tangni dedrangkode minokgija donnutokaha.

Adita salni ja'mano Sal Jajongni dedrangko nikaha, unon Sal an'tangko nogipani togianiko uie ka'onangbeaha. Indaken, nogpia aro 'ini dedrangko minokskana rikroroaha. Indakesa Sal nabaon Jajong aro askirang kene katsotokani gimin uamangko nikna man.jachim. Salni napanga-haosa Jajong aro askirangko niktaina man'aha. Basakoba Sal Jajongko srapa. Ukon Jajongko nawang minoka ine agantoka.

Togia aro tol'ako uisona neng'bea aro uarangni kamranga bang'a dukrango ga'akatronga. Ukon kusiko bija bitchi, okningo matcha bisi ine agana.

DO.KUA

Skangni chasongo a'gilsakni do'drang damsan tom'dake kur'monganiko dake chanchigrikaha. A'gilsakni pilak jat aro ma'malrangan an'tangtangna rajako songa, matburungrangba an'tangtangna Singhoko raja songa. Indiba an'ching do'drangde rajako songpaja, unigimin an'chingba raja songpana nanga ine chanchitokaha.

Indide da'o an'tangtangni namnika ba rajana kranikako mingtokbo ine aganaha. Renggek Renggekko raja songna ine mitam janapaha. Indiba mitamrang uade jik-derangni nokkolsa ine jeaha. Indaken mitam sogin, do'ka, korua, do'de, do'rerap, do'mesal aro do'grikko raja songna ine mingaha. Soginde soa-mina cha'aia aro an'talja, do'kara cha'ukrok, kuruara na'tok am'gipasa, do'dea bimangtangko jani-gipasa, do'rerapara koresa, do'mesala seng'oba ka'pong aro do'grikara jadasa ine jetokaha. Rokom rokom agane jegilgilen pilakkoba raja songna

man·jaha. Bon·kamao indine chanchigrike don-
 aha. 'Je do·oan knalpringo knatoe mikoatcheng-
 gen uakosa raja songani onngen.' Iakon pilak
 do·drangan namnikaha, indaken pilak do·drangan
 raja ong·na ske gisiktangtango pringwalni mikoat-
 chengna mangsongaha. Pring seng·ahaon pilakna
 skang do·kuasa knatoririmikoatchengaha. Raja
 songako man·na siggipa gipin do·drangde tusidape
 sal naahaosa chetchat chetchat mikoatokaha.

Do·kuakosa do·drang gimikni raja songaha aro
 uni skona basu ba mukutko aro ki·sango nisanko
 kabitataha. Una ja·rikgipa sa·gre dimbrarang-
 koba on·aha. Indakesa da·ona kingking do·
 kuarang skoo basu ba mukutko stike, ki·sango
 nisanko ra·bite, aro an·tangni sa·gre dimbrarangko
 rimbite, brisaoni brisaona, a·doksanoni a·dokgi-
 pinona songre-songgabatenga ine agana.

Gisik seng·giparang seng·atangko krae jakkalode
 mikkim rasongko man·ronga.

'Nisan inpana dongja A·chikrango chin'.
 Nisanko mesoka na·de nang·kimetangchin.
 Na·ade do·kua rani mukutko ra·bite.
 Dingna gita bilrroa kotokko rimbite.
 Bilangbo do·kua rani, A·chik a·song a·song.
 Ja·rikna changako nike chanchia napachong.
 Walni askina bate nide nitokua,
 Do·de kratchapilenggen nang·nade do·kua.

Jakgitel dongani sal nang-na salniaha,
 Jensalo mande mangko kimale man'aha.
 Jakgitel ong-gipa gisik jakgitelni kamko,
 Mesokanga a'gilsakna an'ang dakgniko.
 Indioba mingja na'a wa'ani katchako,
 Ring'atranga ka'sariri skango ring'ako.
 Dukni sukni sal mingnabe do'kua,
 Ring'atbo janggini git jeona dongkua.'

TUNIRAM MARAK

GURE RODILAO MINGE RING'ANI

1. Mni Nibani munibiko,
 Meja Jonjani chambuniko—2
 Katchi-rangsina, furagipana,
 Jugi tasina jongjanggipana—2
 Jagualchina muninaka,
 Ja'sangwalchina chambuninaka—2
2. Tul agipi agipiniko,
 Chondon bolwari bolwariniko—2
 Rekoksikosa chama chitari,
 Meramprakkosa ruan dakari—2
 Asintakosa bau kone rodilengpiti,
 Naminakosa Chingsa kaldilengpiti—2

3. Na'ade amade matchik ranide,
Na'ade bithide dongru gitelde.—2
Cho cho merampak choaiengake,
Ting ting wa singtok tingaiengake —2
Noksam bakchatra roaiengpiti —2
Nokgil cha spa kalaiengpiti —2
- 4 Kni engbakjak engbakjakari
Ja'pa gataptap gataptapari 2
A songantina rodaribara na ade amade.
Chidingatina rochonggangbara na'ade.
bithide—2
Indakesa Rakwa adasa ja'ku sanbara,
Indakesa Sanwa mamasa ja'pe
rikbara.—2
5. Sariachisa kime dejokma na'ara amara.
Muriachina nachil songjokma na.ara
bitchia—2
Bolangalan dimrim dimrim ka'sirokama,
Samagalan pangchong pangchong rona
sikjokma—2
Baminjani a'song songdongram sariajok, So-
jonjani chiga chiringari muarajok.—2

(GURE RODILANI KA'TTA)

Ia gitko gure watao ba rodiloo A'chik pagitcham
ma-gitchamrangni mingani ba ku'rang sale ringani
onga. A'chikrang gure minggipa miteko noktango

jilronga. Jilna man'gipasan jilaia. Ua gurcko jilode noktango aro gipinrangchi rodile kusi ong-atna nanga. Jilnangode man'e dange cha'ata, jilnangjaorde nokrurong jamrurongpilen chika ba bonen siata ine bebe ra'a. Uni gimin jilna ka'donggipa manderangsa jilaia. Man'e cha'na nanga, maina koros hang'a. Chu, mi bon.na nanga.

Gureko dakania, mandeko sikkroke koksep watna nanga. Gureni sko, nachil aro merongko dakna nanga. Koksep gimikko ba'ra a'sim ming-gipachi pingrue ki'sangchi matchik ki'meko ki'me dake kadena nanga. Ua koksepko mande bilakgipasa sikkroke, kram, rang, dachi dokanirang baksa meli ma'gapesa chrokna nanga. Apsan ong'tokode nie rona nama.

RANGGOL

Skangode Ranggolba mande ong'achim. Uni ma'a paa a'ba game cha.e a.bao nok rike dongachim. Misi minbakarini salsao ranggol.i ambintangmisi a'ke sangkoo kawek bongchi jo'engachim. 'Anga chi ko'e oldoekuna, na'a misi jo'sobo, on'tisa jo'enba ka'sinchina ruano pake donsobo,' ine su'gipa ranggolko ge'ete donangenba ambintangde chi ko'na re'angaha.

Ranggolba ambitangni ge'etanga gitan misiko jo'soaha. Unon cha'na tosu tosu dimpang dimbang dake biba similbaaniko man'e chin'e cha'e niaha. Similamung toamung dake ua cha'tonik-beaha. Indaken ua sangkoko de'one ding'beeng-oba chakchikari bamdape chikwakari ku'bol ku'bol cha'somitingko ambitang nikdikeaha. Ambitang ka'o nange dokn: satna am'e saeoba, manigijan bangoppe cha'enba, ambitangko sninge katangaha. Ambitang ka'onangbee kawekpongko ra'e rikangaha, unosa bate bate ranggol ki'sangko doktope mikgil peskike, 'Ha ambi man'ode doke ni,' in chonnike roaha. Una ambitang rikangenba kawekpongchi goataha aro ua kawekpongara ki'sango bua gita nangeaha. Uko ranggol oke galna joton ka'beoba man'jaha, aro ua nokona re'hapilna kene burungon dongkamaiaha.

Misi jo'a ding.beako bamdape cha'ani gimin uni mikkang kamaha aro ki'sango bu'egipa kawekpongko okna man'jani gimin dongkamaiaha. Indakesa da'ona kingking mikkang sima aro kawekponga ki'me pil'enba ki'me ro.a ine agana.

(Manigijani kamara, an'tangnasa namgijani ong'skara. Ringjokona pekjok, cha.jokona okkajok inc agana).

MENGGO ARO MATCHA

Chengode menggo aro matchara mamasa ong'-achim. Uamang damsan roa aro cha'rim ringrimachim. Je be'enkoba wa'alo so'e mingimin-kosa cha.rongachim. Matchara menggoko mamatang nangachim. Menggosa matchana pilak kamrangkon skie on'achim. Timna, maluna aro gipin gipin kamrangko skiachim.

Changsao matcha matchok mangsako chikaha aro uko so'e cha'na ine mamatang menggoko wa'al ra'echina mande songchi watataha. Menggo mande saksani nokona re'baon maiba bijakko so'sromako chu'dapo nike una mikbokenba nokgipa gipinchi re'angjana kingking chu'dapo asonge sengaha. Mamatangni re'baningjani gimin matcha ka'o nangaha. Maina ua okriengahachim. 'Da'mo, bia re'bakuchina, mamatang ong'jok mai ong'jok anga donani ong'jawa,' ine wagam chikmijile matcha ku'chingsoaha. Nokri mande-rang a'bachu re'angtokahaon menggo bijak so'sromako cha'manahaosa wa'alko ra'e matchani dongsoenggipa biapona re'baaha. Matcha mamungkoba agangijan mamatangko bildape chike galaha. Untalsa da'ona kingking matcha aro menggo bobil ong'grike menggoko chikronga aro be'enrangkoba so'e cha'jaha ine agana.

Dakna nangchenggipa kamko dakchengna nanga. Maiba kamna watato ru'utgipa mandeni kamkon, menggo wa'al ra'a ine agana.

NOKDONGGAO RING·ANI

Atcho anga, atcho, Imma anga imma,
Munepani Songdonga gita, Sanepani a'cha gita.
Ango mikkuri gnang, Ango sallakkim gnang,
A·ko a'chapanaka, Songo Songdongpanaka
Mni Apa Nibani muniko ;
Meja atchu Jonjani chambuniko,
Pikinte ronaka, Gorangte kalnaka.
Ang, kinte nokkapna, Ang, kinte biapna,
Anga do·adoniko, Anga Sireng ruramko
An·chi tokenba, Kimil pa'enba,
Anga songdongpanaka, Anga a'chapanaka.

DO·KRU I

Skang chasongni mande saksao jik, demechik sakbri aro niotang buchuma dongachim. Deme-chik sakgni Awil aro Singwil me·tra sokaha.

Uamanga an'gitchake bimang daknangachim. Uamangni nogipa sakgni Nose Dimsea ganna kalang ra.ang dakbaaha.

Ia bi'sarangni ambitangara su'drangko namja-beachim. Salantian uamangni ma'ana rokom rokom tol' on'soe uamangko doka man'atrangachim. Bi'sarang mi su'e rongdiko brae donon, merongo mese ki'irangko brae donronga, mi bijak songgimino anggal aro knidingrangko donsoa aro chi ko'e dongimin laurango an'chengko sike donsorongachim. Ma'gipa a 'bachini re'bae nikenba sing'cheng-sanchenggijan am'bol nagengchi, e'sal bitol dol'achi, salurue sibok sibokpile dokrongachim. Indaken da'nang uamang abisade pangnan duk man'e, attamo ma'gipa a'bachini re'bahaode doka man'gnok ine u'isopilaiaha. Salsao ma'gipa Awil aro Singwilko mi rame su'china, mi bijak song'e, chi ko'e, wakna alsochina ge'etangenba a'bachini re'angaha. Ma'gipani re.angmano abisa jamoni miko bikote, nake choe ramataha.

Uamangni nodrang Nose aro Dimse sal ding' beani gimin chibimachi auna abitangmangko nengnengchae rimtaitaiaha. Indaken abitangrang chakchiko amjae re'dilangaha. Mi ramako nisopachina ambitangko agane donangaha. Uamang nodrangko chibimao audile an'chengko mande dake, wakemko aisa kon'e aro rokom rokom

dakdile kusi ong'e roe mi su'na nangakode gualsrangaha. Uamang salniangako nike gong-rake re'badilaha. Su'drangni auna re'angmitingon ambitangde amoni miko ite cha'che galdamchi galsoaha. Awil Singwil sokarin, 'Ambi amoni mide bachijok' ine sing'aha. 'Wakchanggipok aro do'regipu cha'e bon'atjok' ine sudrangna aganaha. Unon uamang ma'gipana kene jamoni miko bikote su'mitingo ma'gipa sokbaaha. An'tangni agananga gita kamrangko daksojani gimin ma'gipa ka'onange Awil Singwilko manengeoa, uamang ma'gipana mamungkoba aganchakgija jrip jrip dongtokaiaha. Indiba uamangni ambitang, 'Miko ramgale chibimachi aunasa dimdimangtoka, salgimik chio roari da'o mang'na skang skangsa jamoni miko bikotgitike su'a daksoenga. Uamangni mi ramgalanggipakode wakchanggipok do'regipusa cha'e bon'atjok,' ine ma'gipana tol'e agansoaha. Uko knae ma'gipa am'bol mandal bu'suchi Awil Singwil abisako salruru salmitale janggal an'chi kampile dokenba, mi chi on'gija waknolo walgimik chipchange donaha. Da'nang, cha'a gri ringa gri, sikkime ma'ame grapari walgimik dongtogija dongaiaha. Pring wal seng'oba mi chi on'gija aro chipchangako watgija ma'gipa a'bachu re'angaiaha. Indake ambitangni ka'saninggija ma'maanti tol'e on'sorongachi uamang abisa pangnan doka man'ne duk man'rongachim. Unsalo songni

bi'sarang Awil Singwilmangni sarao sue gosusae rotokengachim. Unon saksa bi'sani sue goara waknolchi tang'napangaha, uko Awil ra'soaha. Bi'sa waknolchi chaange nioa, uamang abisako nikataha. Bi'sa an'tangni sueko on'atpachina Awilko aganaha. 'Na'a waknolni donggako oatode on'atgen, indiba oe on'jaode sueko on.-atjawa,' ine Awil aganataha. Bi'sa sueko man'-na sike do'gako oatoa Awilba sueko bi'sana on'-ataha. Uamang abisaba ong'kataha.

(An'tangni kamko chu'sokatna man'jaoba, sakgi-pinni jakchi chu'sokatna chanchigiparang bang'a).



DO·KRU II

Awil nogipako songgimikni do.nolrangoniko do'grang aro do.kimilrnagko kolamechina wata-taha. An'tangara noktangoni do'regipuko rim'e mi bijak song'soaha, aro uni grang aro kimilrnagko chimonge donaha. Mima gorim jahako song'e do'do do'regipuko doke, abisan au miksue, ba'ra kancha gane, to pile kni ken'e miko cha'aha, 'aro nokgimiknan mi bijakko tarie donangaha. Nok-tango ma'maanti a'sel ong'na skangan Awilpade antichi re.angachim. Uamang abisa cha'man ringmanoa, 'Hai, nono an'chinga do'kru pilenba

nokoni katsrangna. Basakona an'ching ambi buchumani ma'maanti tol'e on'soachi amani doka-ko man'chae janggil sachagen, ' ine aganon Singwilba kusi ong'en namnikpaha. Indaken uamang do'kimilrango steko jrongate nonge, nogipa Singwilko be'en gimikon tapaha. Nogipako tapmano abitangko tapskaha. Uamang nokkingtangona bildoe nichengaha, unoni saratangni te'brongona bilaha. Ja'manoa noksaoni noksaona bilroroe nie, songgimikko bilwenwene roaha, Indaken uamang do'kru pil'joljolangaha.

Uamang abisa ma'gipani a'a gamaona bila ge a'ba a'seni wa'gogo ba'e, Gokgru, gru, ama a'a gamenga, saksan cha.na dangenga. Am'bol mandal bu'suchi doka amara, esal bitol re'ruchi sata kuria. Awil Singwil abisa gru gru. Mia mibima gnang su'jachim amana. Song'a mese ki'gnang song'jachim kurina. Chia ko'ancheng gnang ko'jachim ap'ana, mio kniding gnang donjachim amana. Ama doke a'rika gru, gru, kuri chingko sanala gru gru. Ama na'a dongrikbo nang noko jamo, kuri na'a man'rikbo nang rang, gamko. Awil Singwil abisa bilbrange sigen, gru gru, Nose Dimse na'nosa nan'gmung noko dongpa-gen, gru, gru.' Ia kattarangko agane uamang abisa ka'siksike mikoeba bilangaha.

Ma'gipa do'kru manggniai mikoa kattarangko knae ka'gale aganaha. "Aiao, mai do'osa mande

gita minge chenge mikona changa, anga pangnaba indake do'oni mikoako knamankuja. Angnan sujok-samjokma da'alde, nokon jamon maiba a'sel ong'aljokma, ' ine ua jajrengbeaha. Unbaksa uni gitchipongba skatang pongbretachim. Ma'gipa ka'suang suang dake nokona re'baenba waknolchi re'ange nioa, Awil Singwilko nikjaha. Ma'gipa grap grape minge okamoba mamungkoba ku-rangkon knajaha. Nokgimikan sia saa donga gita ka'sindikdik dakaiaha. Uamang nokgimikan cha'gija ringgija kalime dongtokaiaha.

Noktango a'sel ong.mitingo Awilpade antioni re'hapile song skopango chidareo ja'su miksueng-achim. Unon do'kru manggniba bilbae chidare kosakni dolgongo sko totrime ba'e mikoaha. ' Gokru gru apa anti sokbaengjok da'alde, Do-regipu olbaengjok apade. Matchu chalang timbori mobaenga, wakchanggipok dandare olbaenga. Awil Singwil abisa sakgni, (Nose Dimse nonosa ma'gni. Ba'ra ebanggi chine apade, ripok dingsmit dinggni ra'ba kuride. Song'a 'kni ding gnang song'jachim apana, su.a meseki gang su'jachim kurina. Ko'a chiancheng gnang ko'jachim amana. Am.bol nagengchi doka amara, bu.su gnang mandalchi sata kuria.' Ia kattarangko pagipana agane abisa sintie mikoaha.

Pagipa do'kru manggnini minge chenge mikoako knac, ka'suang suang an'tesreng sreng dak e

ka'galaha. Songo noko maiba a'sel dal'bea ong'-chongmotaha ine chanchie ka'sik oksik dake bakbakan nokona re'baaha. Nokona sokna skangan Awilpa jikjak-jijo noktango grapengako knaha. Awilpa bakan nokchi napange jikgipao sing-eoa, ua pilak ong.anggiminko grap grape segipana agane on'aha. Ma'a paani ma'drangni aro no-drangni grapmitingo, do.kru manggni bilbae sarani te'brong cheksio sko totrime ba'eaha, aro ma'gipa pagipana mikoaha gitan apsan kattarangko minge mikoetaiaha. Unon ma'a paa an'tangtangni chimonge ripinggipa rang-gam, tang-ka-sona, mingsinggipa ba'arang, rikgitok-rik-matchu, ripok dingsmit aro gipin gipin gamrangko saraona ra'batoke mesoke aganaha. 'O, dedrang durubol nokbichongna ba'arang, ma'an nokna dinarang, na'simangnan ia pilak gamrangko chimongaripinga, gipina ong'ja. Na'simang mande pile re'bapilbo, na'simangnide dos grichim, na'simangni ambitangni su'drangna ka'sagija tol'e on-nanirangchisa na'simang dokako man'naha. Na'simang re'bapilode chinga dokjawaha,' ine grap grape ma'a paa mol'molbeaha. Indiba uamang knachakjaha. 'Na.simang chingna ka.saode ripok dingsmit dingprak sarani tilta songao sitee donepabo,' ine uamang ma'a paana aganaha. Ma'a paa uamangna ripok dingsmitko dingprak tiltao sitee doneaha. Awil Singwil ukon dingprak ganenba bile katangaha. Untal ma'a paa aro Noss Dimse

pangnaba Awil Singwil abisako niktaijaha. Do-krurangni gitoko ching'chet ching'chet nikgipara ripok dingsmitsa ine agana. Uamangni mikoa ku.rangara skango onggimin kamrangko gisik ra'e sintie mikoani ong'a ine Achikrang agana.

(Ka'saninggijani kamranga pangnaba tom'tom ongraniko dakna man'ja.)

DO·KRU III

Badiaba song damsao Anal aro Gunal minggipa panterang sakgni dongachim. Uamang adasa ong'achim, aro bimang daknanga aro bilakachim. Salsao uamang adasani a'a o'aona do·kru manggni bilange bol cheksio ba'e mikoeaha. 'Gok gru gru, Anal Gunal adasa, Awil Singwil abisa. Gok gru gru, na.mang a.a o.aode mia misi namjawa. A'namgija a'sore, ta.ma ta'ring siljawa, ' ine do-krurangni mikoa kattako jonggipa Gunal kna-chenge, 'O, ada Anal, suama samama do·kru manggnide sko totrime haowa bolcheksio ba'e mande gita ku'agane mikoengake, ' ine adatangna aganaha. Indiba adatanga bebe ra' jae,ong'gija kattako agana ka'o nange attepongchi dokataha, da.nang jonggipade saknaako man'e duk ong-

beaha. Adita donge do·kru manggni apsan katta-rangko minge mikotaiaha. Anal uko knapae an·tangni ka·sanninggija dokako gisik ra.e jonggi-pana krat cha·aha. Uamang adasa do·krurangna gongsot sae donna ku·mongenba an·tangtangni kni bikani kabikchi mesaltangni miko done gongsot saaha, aro dongnue dongaha. Adita dongon Analni gongsoto Awil aro Gunalni gongsotorara Singwil nangaha. Da·nang, Analde an·tangni gongsoto nanggipa do·kruko so·e mesal baksa cha·aha, sindiba Gunalde cha·gija koksep wate donenba mesaltangko one donaha, aro atamo noktangona ra·baha.

Gunat an·tangni jilgipa do·kruna pangnan cha·ani mi aro ringani chiko on·e a·bachi re.-angrongaha. Adita salni ja·mano uamang adasa a·bachi re·angon, do·kru kokseponi ong·kate, mi bijak song·e sae-ate, chia-wal.a ko·e, sara-onkkra itroke donsoaha. An·tangba mi cha·e ringe do·kru pil·e koksepo nape dongsoaha. Atamo Anal Gunat adasa nokona sokon pilak daksogimin kamrangko nike adasaan aiao inmane sawa dakso-aha ine nitatgrikaha. Noksul songsulrango sing·e nioba aganan man·tokjachim. Uamang adasa ukon cha·e ringe tuaha. Salgipinoba uamang cha·e ringe a·bachi re·angtaiaha. Atamoba do·kruan mande pil·e pilak kamrangko daksotaiaha. Atamo uamang adasa nokona sokbaon, apsan

daksotaiānirangko nikeaha. Ia kamrangde me-mangni miteni kamsa ine chanchie, adasaan kena napaha, Uamang je ong'oba time nina nanggen ine chanchiaha.

Salsao Anal time nina dongrike Gunal saksan a'bachī re'angaiaha. Anal noksiksao amko dim-duule mikronna raprue sruk time dongaha. Adita ru'ute timon, neng'a amchakjae tusidimu man'e ja'mano hinggak hingpel ra'e tusiangaha. Uni tusimitingon do'kru pilak kamrangko matchote koksepo nape dongpilaha. Anal mamungkoba nikjaha, ua jinggipa Gunalni a'bachini nokona sokpilosa mikrakaha. Anal mamungkoba nikjaha, ua jinggipa Gunalni a'bachini nokona sokpilosa mikrakaha. Jinggipa maiko nikaha ine sing'oa, tusichipmane nikjaha ine ua aganchakaha.

Salgipino jinggipa Gunal dongrikskae apsan biapon time dongaha. Ua tusina sikako chakna amna gita, ja' tangko rate kari, jal'ik nonge donaha. Ua naa aro jroako chakchike saljatchimangona timu nienba, tusiaha ine chanchichina hinggak ra'a dakaha. Do'kru tusiaha ine chanchie, kokseponi ong'ate, wa'al sike mi bijak song'e sae done, chia-wala ko'e sara-nokkrako itrokaha. Gunal uni kamrangko nike aiao inmane nie dongengachim. An'tangni sambachiko itrokba-mitingo ua rang'san chaprake jakgitoko rim'e sing'aha. Unon Singwil a'bachengaoni bon-

kamaona sulsul tale agane on'aha. Ua kattarangko matchoton Gunalna aganaha, 'Na'a da'o ka-sapae angko wataode, nang'na aro angna namgni ong'begen. Na'a angko watjaode 'ja'mano dal-bea a'sel ong'anirang an.chingona sokgen.' Indiba Gunal Singwilna aganchakaha, 'Anga siani tangani ong'oba nang'ko watpilani ong'jawa'. 'Indide anga da.ontaltal do.kru pil.taijawaha', ine Singwil ku.rachakaha. Ua sal intal Singwil aro Gunal mepalsanko cha'rime, chitesan ring-rime jikse ong'grikaha. Analba atamo a'bachini nokona sokarin Singwilko nike aiao inmanaha. Singwil unaba pilak katarangoko agane on'aha, aro abitang Awilko so'e cha'ani gimin Analko grape manengaha. Anal an'tangni dakgimin kamrangko gisik ra'enba duk ong'e gisiktango skimaha. Jonggipa jik namako man'ani gimin ua gisiktango ka'onangaha, aro uko sekna okningo wagam chae, chiningo ja'gasae dongaha.

DO·KRU IV

Adita salna adatang baksa cha'dimani ja'mano Gunal dingtang nok rike Singwilko cha'dilaba. Pillak karmrangon uamang adasa ka'sagrike nang-

rime dakachim. Indiba Analde ku'siko bija bitchi, okningo matcha bisiong'esa dakengachim. Indaken adisa salni ja'mano, salsao Anal jonggipako ang'ke dram cho'na na'chi milsi pina ine chibima-china rimaha. Gunalni jilgipa achak Irijaba pangnan nokgipako miktuatgija jarikrongachim. Uamang chibimaona soke ang'ke aro na'chiko cho'e am'roroangaha. Anal kosakchi doretange jamesa ong'pile a'kol cho'e, jonggipako okamate aganaha. 'Jong, ia a kolo na'chi dal'dala bang-achim, angara a'a cho'en neng'bejok, na'a kinok-skae nibo.'" Gunal a'kol ning.chi napange kinok-mitingo. adatang bakan jonggipa Gunalko a'a wang'dapataha. Ua an'tangde bakbakan nokona re'ange Gunalni jikgipana aganeaha. 'Gunalde nokona re'bajawahana, jechiba brange roaigen, angko seapa innabejok, jeko sika ba namnika an'tangna segipako am'bo, 'ine aganaha.

Singwil uni kattarangko knae namen duk man'aha. Indiba ua Analni kattako bebe ra-brejae, segipana maiba dal'bea a.selko dakaha ine chanchiaha. Gunalni achak Irija nokona re'bae Singwilna suksuk-saksak dake grapsie mesokenba, gana ku.teko chikkape uko salaha. Singwil achak matgrikni mangsongako u'ienba, 'Hai, matgrik ja'banda Irija gangaba, nang gitel nang kuriko sandie am'rame nina "ine manggot siljanggi ge sa, amrori kingsa, gijip ampati ge'sa aro do'me

katomsa ra'e kawatang Gunalko am'na re'angaha. Achak Irija matgrik skang skang re.dilangaha. Uamang Gunalko dapram biapona sokangon jik-gipa a'ako cho'e uko bikote auatenba, amrorio tuate gijip ampatichi jippongponge, 'Tatara, Rabugara na'an jama nokgipa, janggin' biambi angni kawatang dongatangna jama ron'bo janggi sikbo, ajamatbo akuatbo, chongchongatbo chadeng-atbo" ine manggot siljanggichi amrrioriko dok-kroe, poesrang ine jikgipa sipoaha. Unon segipa Gunal ajame atchinge tangbapile asongaha. Ua-mang jiksean kusi ong.e noktangona re.baha. Analko mamung a.jak sokpilaniko dakjana mik-songe, ku.mong nangrime dongani giminsa chanchiaha.

DO·KRU V

Bang'a salrangni ja'maño, Anal jonggipa Gunal-ko nampinika dake bija sa'ako am'o cha'e rona ine agane burung bolgrimchi rona ku'mongaha. Jonggipa re'anggimin salrango ong'gimin a'selrangko chanchigijan re'angpaaha. Uamang burung bolgrimona soka, bija sa'ako am'ruroaha. 'Bolchu nokmani kambeo salchame sa.enga, maldoange puenba na'a bi'sarangko ra'onevo, jile

rona namgen, angara bolkon gadona man'paja,"
 ine Anal joggipana tolaha. Joggipa jechakgijan
 bolchu nokmako maldoange kambeoniko sal-
 chame sa'ako am'aha, indiba nikjaha. Anal jogg-
 gipako so.otani cholkosa dakachim. Ua miteko
 ninge, 'Tatara Rabuga Ranagara, janggiko ma-
 sina jamako dingchotna salgisak rangkambechina
 ra'doangbo saldoangbowae poe srang', ine aganon
 rang'san bolchu nokma salgisak rangkambechi
 tang'doange, bangbango ka'dingdea gita dingdee
 dongaha. Gunal ong.onna man'gija grape dong-
 aiaha. Analde noktangona re'bae napchipe
 dongaiaha.

Gunalni achak matrik nokgipa baksa ja'rikange
 a'sel ong'aniko nikachim. Indaken ua skanggitan
 grapsie Gunalni jikgipako rimtaiaha. Singwilba
 mangsonganiko u'ie skanggitan pilak bosturangko
 jakbitange achak baksa re'ange nikeaha. Indiba
 mai cholchi segipako a'aona rimonbana man'gen
 ukon u'ijaha. Indaken Singwil salsni walsni
 cha'gija ringgija grapmanggasie sinti do'pilgime
 dongaiaha. Ua renggok renggeko do'reng do-
 kako segipako ba'onbapachina grape mol'molaha.
 'Ranga gama inoba mai misi bi'oba, tangka
 sona ripok, ripok sang'ki am'oba on'genchim,'
 ine aganaha. Indiba uamang knachaktokjaha.
 Ja'man ki'tiko Tilarengko nike Singwil, segipako
 ba'one on'pachina mol'molaha. Unon tilareng,

'Nang·seko ba·one on·ode na·ara angna maiko on·skagen' ? ine sing·aha. 'Na·a jeko bi·a, ukon on·tokgen' ine Singwil aganaha. 'Atcha, indide na·a angna kotip paguri gitchak patsa aro ruapat mangsako on·paaibo', ine tilareng aganani gimin Singwil kusi ong·bee on·aha. 'Tilarengba Gunalko a·aona ba·one on·aha. Da·ona kingking tilarengni skoo kotip gitchak kaa gita dakgipa aro rakbegipa aro matbegipa ku·chilrangko nikna man·enga Singwil uarangko tilarengna ka·sae on·ah' e agana.

Sir, il segipako man·pile kusi ong·beaha, aro uamang noktangona re·bapilaha. Anal jonggipani re·bapilako nike kratcha·beaha. Indiba Gunal aro Singwil una mamung dukko on·skana chan·chijaha, batesa mikneng·berianiko dakgija nang·rimgrike dongnasa mangsongaha.

DO·KRU VI

Bang·a sal jarang re·angaha, game sue cha·na gita a·ba o·ani sal sepangaha. Atte·gitchi sandiani aro dokani sal ong·aha. Un·i gimin Anal salsao jonggipa Gunalko atte·gitchi dokatna gita anggal so·na ku·mongaha. Jonggipaba atte·gitchi

dokna nangpaani gimin adatang baksa burungchi re'angpaaha. Uamang burungo a'kol tu.bee.cho'-enba boltongrangko dandake so'aha. Adita so'ani ja'mano boltongko anilatchina jonggipako ge'etaha. Jonggipa re.ange snilatmitingon Anal uko wa'-alchina jipakataha. Da'nang Gunalde mamungkoba dakna man.jae gogorenge siaha. Ua an'tangde sruksruk nokona re'bae dongeaha.

Ianpakoba achak matgrik Irija Singwilona re'bae uko rimtaiaha. Singwil amrori ampatchi, gijip, do'me aro goldikko ra'e achakko ja'rikange, anggal so'ramona sokangaha. Ua segipani greng ja'tengrangko a'koloniko bikote su'gale amrori ampatchio done, skango daka gita dakenba tangpilataha aro uamang noktangona re'hapilaha.

Gunat inpako adatang Analko gisiko ka'onange inaha, 'Anga pil'sa pil'gniko chakchikaha, indiba da'o pil'sa rang'sade janggian ma'sisranggen ja'maan dingchotsranggen songo dongrimani a'ko char'amani ong'jawa. Uni gimin anga Analko mangkimasranggen' ine ku'chingaha.

Salsao Gunat songgimikni manderangko, okame wak-matchu doke, chu mi on'e, damadachi doke, cha'e ringe chrok-mesatokaha. Adatangkoba cha'pa ringpachina rimeataha, indiba jonggipana kene sakama dake noktango tue chakaiaha. Mande watate pil'nipli rimeatoba re'bajaha. Uni

gimin jonggipa chubitchiko bek ro'gipao ra'-
angenba mol'mola dake kanenba bekko gitokchi
sikketketataha. Unon Anal siaha. Gunal aro
Singwil jiksese da'osa bobil gri de'saamung kusi-
ong'e dongna aro game'su.e cha'na man'aha.
Uamang jik se ong'na skang Singwilni agansogipa
kattarang Gunalna ong'bebe aha.

(Gipinko kratcha'atna, gimaatna ba bon'atna
dakaniara an'tangsa siani aro bon'ani ong'skaaha.
Indaka kamkon, grongtangan bu'a, ja'sitangan
mata ine agana.

WANGALAO AJIANI

(Panteni Ring'ani)

Ama giting chagiting amasongba,
Mima ja'pang rongtambing dong'a a'songba,
Salna skang ba'esa imajima amaba,
Gongrorako songesa tangsima dongaba.
Dura rikim bolgrim bolnamgija chadenga,
Songdu an'cheng sridim chinamgija chisenga.
Na'song maimasamung bipa sing'e nikuna,
Bolni jingkasamung ake songe cha'kuna,
Bolongo do'sik pagira midong ratpakaria,
Chalang anga ajora sokme rimbakaria.

Angchipakna da'roba nangpa nangse innawa,
Ja'si gadepmanako rim'a sala bonawa.
Mikchi ong'na Bajalni gimbe donga songoba,
Ka'ko dokna Durani klmde amasongba,
Do'ka Rajabalachi bilangjok dongasongba,
Saru adalna bilginok amasongba.

(Nomilni Aganchake Ring'ani)

Sio tarimesane Apaba,
Kato akgnisane dongaba.
Sina obak ko'sano sinawa apaba,
Kata rama dingsanko katnawa dongaba.

(Panteni Ring'ani)

Samin milangakoma riknama amaba,
Ja'gam sosiakoma sanmana dongaba.

(Nomilni Ring'ani)

Kate cha'na ma'detang sepang apane,
Ka'e sina tobilbang kokang rajane.

(Panteni Ring'ani)

Do'do gita bidaling amaba,
Rau gita penaring dongaba.
Sokme kimkarongmiting amasongba,
Japing gambari bokgim dongasongba,
Ku'chil mandal bibalan dongasongba,
Mikgil wa'tre bijakan amasongba.

KA·SOT

Badiaba gitim damsao mande saksani depante Ka·sot minggipa dongachim. Ua bi·santal ka·ting aro ka·onangrakhgipa ong·achim Uni indake dakrongani giminsa ma·a paa uko Ka·sot minga·chim. Ua bi·sa ma·a paa aro mama·adarangni ge·etarangko ra·rongjachim. Mia namjaode sama tojaode nokdecholchi galataiachim. Nodrangni me·jak goldang ritode, me·a awek song·ode, ua·chin godape dokrongachim. Nodrangko ka·saninggija dakani gimin ma·a paa uko maneng·paoba, batesa laurangko gokning goripikesa gal·rongachim. Basakoba ma·chi nochi re·angoba, mande minge birong chane, chu cheke, wak de·ne on·paoba, pekahaode mosa boning, ming·gija, noa ma·a dongija dokrongachim. Uni indake dakrongani gimin pa gachi ma·a no dakgiparang aganaba. ' Da·mo nang·koba jika dongosa, angde nikesa nikpagen. Panteo ma·a no, pa gachina manggol ong·oba, jikna denade ki·gol ong·rongane ', ine ku·chingtokaha.

Adita bilsirangni ja·mano Ka·sot songgipinoniko jik kime o·bite niotang baksaan dongpaaha. Ua unoba ma·a paa daka gitan o·bito niotangna bamgija jegrikrongaiachim, aro jikkoba dokronga·chim. Unigimin niotang o·bite uko nokoniko rikgaloa, ua jik deko gipinni noksurio dongdilaha. Ka·soto dedrang bang·ani gimin chu·onga gita

cha'anirangko man'diljae bang'a salrangon jiksesa jegrikrongachim. Indaken Ka'sot ma'a nochi re'ange miko bi'ame olbarongachim. U'a bi'ame man'baa mikoba jiktang baksa su'pana nangachim, maina uni jikgipa bamjasrangchim. Segipa ku'sa ku'gni saeode jiggipa ku'dok ku'sni saeskachim. Una jikgipako apsa dokatodo segipako apgittam dokskaaiachim. Da'nang Ka'sotde an'tang aldu-mittangrakpajae jiktangnan bamangpilaijok. Jikni song'a rita namjaoba tojaoba nokdecholchi gal-gija, gobileke dokgija Ka'sot jrip jrip cha'aiachim. Me'jak goldang ritoba, me'a awek song'oba srup srup ine cha'aiachim.

Salsao uamang jiksesa degipani a'sel namen jegrikbeaha. Degipara ma'gipani mi bijak song'ao asongtime mi cha'na grapoa, ma'gipa uko doke 'salrurue galaha. Uko pagipa nikenba ma'gipako dokoa, ua mi bijak song'ako dongale segipako kang'kareo rim'jangjotari gostapenba, cheltongo asongjete dongaha. Indaken segipasa ning'o donge nigitoenba, 'Da'ode gitchijokma, dedrangko ka'sanninggija dakjawahama?' ine noksulrang knachina rake rake manenga dakaha. Noksulrang chabae pakma bibretko niatoa, segipade ning'o jikgipasa segipani cheltongo asongjete sikdekdek-engakosa nikate kratcha'chake re'angpiltokaha.

Adita salni ja'mano Ka'sotni ma'a no paa-gachirang knae, re'bagrime segipako dokpilani

ine songsulni wakko su'e cha'eaha. Maina jik-gipa segipako dokpilode jeni wak matchu ong'oba jeko nika su'e cha'aiachim. Jik-derangni maharisa uni damko gamrikskana nangaiachim.

Ma'drangrang skango an'tangtangni ku'chinga-rangko janape saie manengangaha.

(Indake pantemitingo ma'drangna ku'rak wa'sae jiko deo nom'gipa mandekon, ma'na nona manggol, jikna dena ki'gol ine agana.)

MUNNI

Munni ma'ako Noarani Nogin minga. Uni ma'gipara mikkang banda aro ja'si chuachim. Ua Munniko a'song Pekgitok chiga Garengwalo ge'e donachim. Changsao Niba Jonja Sakati Wakmetong antiona re'ange, mi song'e cha'na am'bol am'na re'angoa, ja'achi ga'dikmane ua rang'san tusidimuna sikangaha. Unosa ua munnisa ong'achim ine chanchie ra'baenba an'tangni terik bario ge'e donaha.

Adita salrangni ja'mano Niba Jonjani jikgipako sekna mangsonge Salgra panteba re'baengachim.

Niba Jonja uko u'isoe warachaksona milam ra'e, sepi kangsari de'enba, Rongdongachol Saljong patrao den'sona ine time dongsoaha. Salgra panteni re'baon brian pangpikbaa, rong'maan romtombaachim. Uko nikenba kratcha'e jaksi chike Niba Jonjani re'bapilengako ramao Katchi Beari aro Misi Susime grongaha. Uamangsa Niba Jonjana ka'sachake, ku'sikkie ku'patie agana-taha. 'Nang'ni te'rik bario ge'gipa munniko ra'e, Saljong Patrao Rongdogacholo ge'e donsoai-bo, unon Salgra pantede tusidimuaignok ki'sang chimitaignok.'

Uamangni skiang a gita Niba Jonjaba munniko ra'e Saljong Patrao Rongdogacholo ge'e donsoaha. Salgra pante re'bataion mikgilan nomangjok, ki'sangan chimitjok aro tusinapangjok. Unon brian ja'sengjajok rikean janikjajok. Mibimakon nikjajok micha'chean taljajok. Uko nike Grimchi Bachari Silakki Dokdoki saewatjok aro gana patjok. Unigimin Susimean ka'sachake Niba Jonjana agantaiaha. 'Bekmasan ringpilbo, esalsan chitrimbo.' me'palsan cha'rimbo aro chitesan ringrimbo.' Unon Salgra pante aro Niba Jonja gitok chike dikka ringe gro namgrikaha. Indakesa bibra jasengbajok rikeba janikbajok, mibimako nikjok micha'cheba taljok, aro pilakan salko niksoe kusi ong'tokbejok.

(Bobil ong'grikania bang'anan'gimabeani ong'a.

Indiba nangrimgrikania pilaknan an'sengani
donga.)

KANCHURINI KATTA

A'chikrang kanchuriko dingtang dingtang bi-
mung minga. Chong·motan, Pongreng me'a,
Drong me'a Ka'sot tingring, Changdong pante.
Pongseng pante, Mikkang chijim mingachim.
Kanchuriara gandomena ganjaksilna mangsong-
aha. Unigimin ua Misini sagre aro Saljongni
panterangko rama baksochina jall'ang kasochina,
walmenchi wal·du' kae, manchie tik ka'enba, anga
unsalo re'bagen ine agan-ge'ete donangaha.
Indiba Pongseng me'a, Pongseng pantea, ganskel-
na skemung an'tangni manchia sal sokgijan re-
bagalgalaha.

Indaken Misini sagre Saljongni panterangni
rama baksomitingo, jal'ang kamankujamitingo
re'bagalgalenba rama bakna a'ako cho·mitingo,
bolma pe'mitingo Drong me'a, Chandong panteko
su'bikbak engtongtangmanenba siaha.

Untalsa da'ona kingking a'ako cho·miting-
wang·mitingo su'tongtangmanenga. Unigimin

manderangkoba ganna skelbegipakode, Kanchuri-ni ganna am'a gita ong'gen ine manderang agan-ronga.

(Sengnapgija ong'na nangja aro kattatangko rakkina nanga. Ku'tangon sia, kamtangon bon'a.)

GORIAL ARO ME·CHIK BI·SA

Song damsani segri me·chik saksao demechik saksamangmangna agre darang gipin dongjachim. Ua me·chik bi·sa su·rak-songrakbaahachim. Ua-mang ma·ningsa cbibima rikamo dongachim.

Pringsao mechik bi·sa chi ko·na kangkareo basing de·e chibimaona re·angaha. Ua chiona ong'onange chi ko·mitingo mangsa gorial chabae uni ja·gitoko chikkapeaha. Da·nang me·chik bi·sa rang·san chrike grapaha. Demechikni chrike grap-ako knae ma·gipa bakan chabae nioa, demechikni ja·gitoko gorialni chikkapengakosa nikeaha. Ma·gipa duk ong·bee grape gorialko mol·mole agan-aha. 'Anga ia demechik saksakamkamna agre darangba dongpaja. Uan angko dakchakpaenga, anga segri. Pilakba angko nirok-sandigipa dong-paja. Na·a ka·sachakpae angni demechikko wat-

pabo '. Gorial an'tangba segri me'chikni duk ong'bee grapako nike mikchi ong'chakpilaha. Indiba watjaha.

(Duk man'gipana mikchi ong'pile mesokgenoba, dakchakaniko on'na man'gnigipa ong'eba uko on'jaode mamung namgni ong'ja. Indaka kam-kon gorial mikchi ong'a ine aganani gnanng.)

SALGI ARO A·A

Chengo dakcheng ruchengmiting salode Salgi A·a chapchap ong'griknasia gita dakaiachim. Indaken a'ao donggiparangde ongripdapna kena-chim. Dedoet minggipa do'ode' ongripdapna kenen mitalesa bitchitangko bama ine agana.

Chengoni manderangde jang'ki chandoe salgio roerongachim. Indaken uamang askirangko ding-tang dingtang bimungrangchi, Pringprang, Attamprang, Mangripe, Do'sadipil, Mangganchi, Do'sutot, Menggo ripe, Walsado, Jajong gol'dik, Matma ja'kol, Aski do'me aro gipin gipinrangko minge roaha. An'chingba uarangkon da'ona kingking mingpaenga ine agana.

Chengo indake ong'aha, me'chik saksa sa'rao
mi su'na rimol de'doora salgio nangkingkangaha.
Unigimin me'chik ka'onange rimolchi su'doataha.
Indakesa salgia chubee tang'doangaha ine A'chik-
rangni aganani gnan.

(Chengoni manderang uatang aro nikatang
gita agana aro beber'a.)

WANA O AJIANI (Am'beng)

A'song Goretangna re'najok amasong,
Chiga kalkamatangna joknajok dongasong.
Donga niso iggnok amasongba,
Chame sen soenggnok dongasongba.
A'song jan ratangna re'gnok amasong.
Chiga salginchitangna joknajok dongasong.
Na'ma jako siknawa bipade,
Mima ku'o rimnawa chalangde.
Kimako midong patoba amasongba,
Na'mako rengsi sikoba dongasongba.
Minima jako sike chakatna,
Rokime skang dile re'china.

(Nomilni aganchakani)

Angni seng'ki bidingo mima midongrangde,
Chingni gana rikingo na'ma rengsirangde,
Knitomo potnawa bima chingade,
Jakpatango ra'nawa me'chik angade.
Seng'kirao kekuna mima midongrangko bima
 anga,
Jakpa chelo ra'kuna na'ma rengsidrangko me'-
 chik chinga.
Misi gita grongna apako bimade,
Saljong gita namsranga dongako angade.
Songtang noktang inode apako nang'ko,
Jallik gittang inode dongako bima nang'ko.
Jaksi rim'dingdinganga apako bimade,
Ku'sik ku'manchianga donga, me'chikde.

(Panteni Aganchakani)

Jakchi jakjiparina amasongko,
Mikchi mikkemarina dongasongko.
Mikninan mikchara amasong,
Aganana ka'sara dongasong.
Do'reng gita bilbitna pantede,
Nangatangko seokna chalangde.
A'songtangna weginok amasong, bipade,
Chigatangna re'ginok chalang pantede.

AMPOK JA·SAMGITTAM

Badiaba song damsao donggipa mande saksa, songtangoni adita chel·gipa antiona re·angaha. Ua antiona sokoa ja·samgittam dakgipa am·pokrangko rori sáksani palengako nikaha. Ua pangnaba indaka am·pokko nikmankujachim. Unigimin ua uko man·na sikbee am·pokni damko sing·oa, 'Arai taka' ine rori aganchakaha. Ua uni arai taka inako uijae am·pok ja·a ge·gittamko chanchie aganenga ine tangka gong gittamko rang·san gobeke, am·pokko ge·sa ripetomtome nokchina re·baha. Ua gipin bostuko ra·gija am·pokko ripebae rama tong·saoná sokbaha. Sal ding·beani gin·fin ramasan·ni bol salakkimo one asongenba am·pokko nione chanchiaha. 'Ango ja·a ge·gnisan dongaia, indiba am·pokode ja·a ge·gittam donga, uan angna batede gong·rakbatgen. Anga uko ripejawa. Uan angnade skang nokona sokchenggen,' ine am·pokko done re·angaha.

Ua mande nokona sokbae, 'Angni antioniko ra·bagipa am·pok nokona sokbahama?' ine sing·eaha. Jikgipa mamungkon aganchakna jajae, 'Maiko aganenga na·ara?' ine segipao sing·skaha. 'Saksa rori am·pok ja·samgittamko antio pala, uni damko sing·oa, arai taka, arai taka, ine aganchakaia. Anga una tangka gonggittamko on·beke

ra'baoa, mikdelbokbok dake ka'dingsmite ra-rikaijok bia. Uko anga rama tong'saona pakkreo gate ra'bae name chanchie nioa, angon ja'a samgnisan dongaia, am'pokode ja'samgittam dongani gimin angna batede gong'rakbatgen aro nokona sokchenggen ine donbaachim, uara da'oba sokbakujama'? Jikgipa uko knae setangni gisik grianina ka'o nangna changjapile sidekdeke ka'dinggagakbeaha. Noksulrang uko knae, mai ong'aha ine re'bae sing'eaha. Uamangnaba kattako tale agane on'oa, pilakan ka'dingtokbeaha. Segipade kratcha'e wakichengcheng noksikoša asonge dongaiaha.

(Gisik grigiparangni kamranga bang'bata salrangon ka'dingani, gimaani aro kratcha'anisan ong'ronga.

SAPAU ARO PERU

Chengoni salrangode sapaurangni ki'meranga sombrabra dake nitoe, ro'achim. Nachilrangba ro'rojachim, indiba pantek pantek dakaiaachim.

Pringsao Peru na'tok rengsolsako ra'e re-bamitingo Sapauko grongdikaha. 'Aiao, mama

Perude banoniko na'tok rengsolsako man'bajok-sai ' ine sing'aha. Da'siwalo walgimik chiboloni-ko ki'metangchi milsi pie man'pajokai. Na'aba anggita na'tok man'pana sikode chibolona re'ange, walgimik ki'metangchi milsi pi'epabo, unon nengrae man'aigen,' ine Peru aganchakaha. Maina peruara skang intalan Sapauni ki'me sobrae aro nachil panteke nitoana mikboke dongaiengachim. Manode an'tang gita ong'atna cholkosa niengachim. Sapaude uko uipajachim.

Peruni aganako knae Sapauba na'tok cha'pana sike gisiko milsi pipana mangsongaha. Attamsao Sapau milsi pina ine ba'ra re'ma kingsako ra'e chibolona re'angaha. Maina sin'kari ong'engachim. Sapau boltongni kosako asonge ki'metangko chiningchi donataha. Ua sinani gimin ba'ra re'mako chingope na'tokni cha'eako sengtimaha. Sapau ki'metangko de'dorurae na'tok chaieama cha'aja niaha. Indiba na'tok uni ki'meko cha'ejachim. Indaken ua sin'ako chake waljatchiona kingking asongtime dongaha.

Sapau ki'metangko de'dotaie nioa, de'donan man'jaha. Mai na'tok dal'an cha'eachim uko an'pile nioba nikjachim. Sapau changni chang ki'metangko saltaitaie nioba man'jae, ' Aiao maiba na'tok dal'begipaan angni ki'mekode chikejokkon,' ine chrike chrike, ' Angko dakchakepabo, angko dakchakepabo,' ine okanaha.

Uni chrik chrike okamako do'po re'chim dalgipa knae re'baha. Mai a'sel ong'a ine Sapauno sing'oa ua una tale aganaha. Do'po Sapauni nachilo chikkape krenge salaha. Nachil samgipinchikoba chikkape krenge saltaitaioba man'jaha. Da'nang Sapaude saknaako chaknan amangjaengahachim. Do'po nachil samtangtangchikon chikkapruræ saltaitaiaha, indaken walba seng'a aro Sapauni ki'me ja'dansrek chottome chong'dikdik dakaiaha.

Maia na'tokan cha'achim uko name nioa, na'tokde sapauni ki'meko chikjachim. Indiba ka'sindugaani gimin chi gimikan suuri pile tin'kae uni ki'mekoba tin'kachapahani giminsa salokna man'jahachim.

Do'po re'chim Sapauni nachil samgniko chik-kape salahani giminsa salotdia gita dake nachil samgnian ro'aha. Indakesa da'ona ki'ngking Sapaurangni nachilranga ro'a aro ki'meranga chong'dika.

(Gipinni agana kattarangko knaari, mamung-koba chanchibewalgija dake a'selo ga'akgipakon, jola matjol ine aganronga).

SIKARI ARO PERU

Skang chasongode A'chikrangba chri brarangchi bobilrangko dakgrikrongachim. Burungni matburungrangko aro matchok me'samrangkoba uchin so'ote cha'rongachim.

Changsao sikar ka'gipa saksa chri bra ra'e burungchi re'angaha. Ua balgitchakko gronge chri chite goaton bra nange siaha. Dikdiksa dongarin wakmate mangsaba balgitchak sigipani sepang gitan re'baengako nikate rangsan chri chite goattaion bra wakmateko pakdepo nangeaha. Wakmate saknae kat'wenwenoa chipu nokma dal'gipako katbikbakmanaha. Danang, chipu nokma dal'gipaba balgitchak sigipani sambao siaha. Wakmate sikariko nikate rang'san chabae wa'chingchi kechichioa sikariba sisrangaha. Wakmateba on'tisani ja'mano sikarini sambao sipaha. Balgitchak, chipu nokma, sikari aro wakmate sepanggrikgrik dake sitokaha.

Adita ru'utani ja'mano peru mangsaba cha'aniko am'rorobaen, uamangni siako nikdikeaha. Peru uamangko nike namen kusi ong'bee aganaha. Aiao da'alde ! Apa Saljongsa Ama Susimesa angnade patijok ra'ronjok danang. Angade bil-sigimik cha'o ringoba bonchakpiljawaha. Da'o anga badiakon cha'chengen,' ine aganenba wakmateni kosakona bildoe asongaha. 'Anga sulsul

chane nichengesa cha'gen,' ine chanchengaha.
' Chonbatgipaoni cha'chengbae ia dalbatgipa wak-
mateko cha'chotgen,' ine aganaha.

Peru sikari mandeni sambao ga'ake dongeng-
gipa chri pingani matbigilko tugepe chri ku'chot-
oni tinna a'bachengaha. On'tisa tinani ja'manon
bigil chotome, chrini gongbing dakgipa go'ol
peruni ku'sikkolgita gitokbu ning'chi su'golgola
gita napangaha. Indaken peruba uamangni sam-
baon sisrangaha.

(Mikbokgiparang banga salrangon asel nangako
manronga. Indakgipa kamkon, matma skoko
done milsi pia ba angke kinoka, ine aganronga.)

GONGGANG

Badiaba biapo adita chukalgipa a'timbo totsä
dongachim. Ua a'timboni Salaram aro Saliram-
chi dal'dalgipa warirang (chibolrang) dongachim.
Ua wariranga apala aro tu'achim aro uarangni
rikamrango dingtang dingtang sam bolrang chaa-
chim. Uaranga gipok gitchak, rimit tangsek,
gisim aro ma'manti rongrang gnange balgipa
bibalrangan gapaia aro uarangan ua wariranga.

nitoatachim. Wari damprakon gonggang joraprak aro uamangni de-su'drang dongachim. Uamang ua biapo bilsi ru'uten dongahani gimin dintang dintang biaprangao sandie nina chanchiani dongachim. Joraprakprak dongecheng-gipa gonggangranga buchuma budepa ongangachim.

Salsao a'timboni salaramchi donggipa warini gonggang budepa aganaha. 'Ia an'chingni dongchakenggipa warina dal'batgipa aro nambatgipa gipin warirang ia a'gilsako dongenggenma? Uaranko am'e nina nanggen.' Ua an'tangni jikgipa buchuma aro de-su'drangko okame aganaha. 'Buchuma, na'a angni de-su'drangko name dongdilcha'dilsobo. Anga jarobanaba donga, indiba na'simang jajrengnabe. Anga da'o an'chingni dongenggipa warina dal'batgipa aro nambatgipa gipin warirang ia a'gilsako dongenggenma? Uaranko sandie nirorona gita re'nasienga', ine agane a'timboni saliramchi mikkange doangaha.

Ua apsan salon a'timboni saliramchi donggipa warini gonggang budepaba, an'tangni dongchakenggipa warina dal'batgipa nambatgipa gipin wari dongkuengenma ine chanchie uaranko nirorona chanchiaha. Indaken uaba jiktang buchuma aro de'sudrangko okame aganaha. 'Buchuma na'a, nangni de-sudrangko name dongdil-cha'dilsobo, haida anga jarobanaba donga.'

Ia kattarangko agane an'tang donggipa a'timboni salaramchi mikkange doangaha. Adita ru'utani ja'mano gonggang budepa manggnain a'patalona sokdimaha. Uamang skango nikgrikkujani gim-in gronggrikarin salam ka'grikaha. Uamang kusi ong'bee manggnian mikkanggrike asonge agangrikaha.

A'timboni salaramchi donggipa warini gonggang budepa aganaha. 'Ripeng, angade angni dongengipa warina daldatgipa aro nambatgipa warirang ia a'gilsako donggenma? Uaranko am'e nirorona ine mang'ongesa re'baenga'. Manggipin gonggang budepaha aganaha. 'Ripeng, angni miksonge songrebaani a'selba nang'ni miksongani gitan apsan onga, Maikaisa anchingni miksonganide apsan onga,' ine nitatgrike ka'ding-grikbeaha aro namen kusi ong aha

'Indide, hai ripeng, nang'ni aro angni re-mikkangenggipachi dal-dalgipa aro nitogipa warirang dongama dongja, uaranko nikatnaba donga. Da'o an'ching chadenggrike niwate nina' ine ku'mongaha. Uamang mikkanggrike gipake chadenge niwatoa, an'tangtangni dongchakenggipa waritangtangcosa nikatskaha. Maina uamangni mikronrang skoni kosakni paksaosa dongani gimin, chadengode mikkangchiko nikna man'ani pal janggilchinikosa nikskana man'achim. Da'nang, uamang uaranko uisokpajae an'tangtangni wat-

bagipa waritangtangkosā nikatpilaiaha, aro gipin warirangko nikata ine bebera'aha.

Unon gonggang budepa manggnian aganaha. 'Hat, angni dongenggipa wari gitan dakaia. Una dal·batja aro nambatja .' Manggipinba aganaha, 'Che, angni dongenggipa wari gitan dakaiake, dal·batja nambatja, indakesan ong'aide neng'rok-rok maina re'aigen da'oa, angade ianonin re·pil·aignok ' ine aganaha. 'Angaba neng·marokrok maina re'aigen, pilpilaignok ,' ine manggipinba aganaha. Indaken uamang salam ka'grike biaptangtangchina re·angtokaha. Biaptangtangona sokangoa jik-dedrang aro su'drangko nike kusi ong'aha. Uamang buchumatangna an·tangtangni nikgiminko agane roaha.

(An·chingni uianirang, agananirang, nikani-rang aro chanchianirang, bang'a salrangon gong-gang budepa manggnini nikani aro uiani gitasan ong'aia.)

BOL DEN·A

Nang·pa bachi re'anga ?

Tum (bol) den·achi.

Mai bolko den·bara ?

Bolong agatchi.

Uko bachi palea ?

Goalparachi.

Baditana palbara ?

Tangka kolatchi.

Uchi maiko ra'bara ?

Na'kam balmatchi.

Uko sawa cha'soa ?

Ama ma'bitchi ba Nono oktongsi.

Ia kattarangko bi'sarang dol dol dake, dolsara sing'e dolgipina aganchake, kal'aniko dak-ronga. Uandake kusi ong'e bi'sarangni kal'ani ja'mano saksu sakgipinko mesokgrike, ama ma'bitchi ba nono oktongsi ine ingrikronga. Ian skangni me'a aro me'chik bi'sarangni kusi ong'na kalani ong'a.

JKSESA ARO PANTE

Badiaba songo donggipa me'tra saksana song chel'ani pante saksako rimbae do'si do'doke on'aha. Uamang bilsigni dongrime demechik saksako man'aha. Ua bi'sa ja'reaha, indiba ku'sik aganna man'kujachim.

Salsao uamang jiksese segipani songchi niotang o'bite aro niosariko grongpana re'angaha. Ramao

uamang pante saksako grongaha, ua panteo mingimin te'rik chong'baksa dongachim. Panteba uamang baksa re'angpae an'tangni ra'bitgipa te'rikko rongsa aktete bi'sana on'aha. Bi'sani cha'a bon'o bon'o rongprakprak aktete on'angen te'rik chong'sade bon'pilaha. Panteni daka kamko nike bi'sani ma'a paa, da'nang alnambegipa pante ine kusi ong'aha. Uamang song damsaona sokangaha.

Uamang songsamni bolsalakimo dikdiksa neng'takna asongaha. Unon pante songni nokmako sandiange aganaha. 'Ia mande angni jik deko seke katbara, anga uko sandiroroe rikbaoara nang'ni songo srapeaha, Na'a ka'sapae bichal ka'e on'pachina nang'ko mol'mola.' Unigimin nokma songni me'aparangko okamchimonge bandasalo tom'aha. Da'nang uamang jiksesakoba tom'aona rimbaha. Nokma panteko sing'chengaha. Unon pante aganchakaha. 'Chinga jik se ong'chengaoni songo noko game'sue cha'an bil-signimang ong'pilaha. Chinga da'o demechik saksako man'pilaha, da'o ua ja'repilaha. Mejalo anga a'bacha a'agamna re'angmitingo, ia mande angni jik deko srik srik seke katbaha. Uamangko sandiroroe rikbaon nang'ni songo srapeaba.' Unon nokma me'asako sing'skaoa, ua aganchakaha. 'Ia panteni pilak agana kattarang tol'e agananisan ong'aia, ua me'chika angni jikchongmot dechong-

mot ong'a. Anga unbaksa bilsignimang dong-rimaha. Chinga demechik saksako man·pilaha, bi'sa da'o ja'repaha. Angni ma'a paa aro bak-drangko grongpa·china re·dilbamitingo, ramao chingko grongenba chingbaksa re·rimbaesa nang·ni songona sokbaba. Angni jik-dena mikchanamnikesa nang'ona re'ange, angni jik-deko seke katbara ine tol'e aganenba bichal ka'atenga.' Me·chikkoba sing'e nioa grap grape segipani agana gitan tale sul sul aganaha.

Nokma aganaha, 'Me·aparang name chanohie badia me·asaan me·chikni sechongmot ong'a agantokbo.' Mande saksako aganaha, 'Me'a aro me·chikni aganako chanchie niode, ua pantesa mikchae namnike sekdrana dakenga gita nika. Unigimin uamang skang intalan jikse ong'chongmota,' ine aganaha. Sakgipin aganaha, 'Jik aro se ong'chongmotani saki dongjani gimin bebe ra'na man'ja.' Indaken saksako dingtang, sakgipin dingtang bilding bildang ong'toke me·aparang jrip jrip dongtokaiaha.

Ja·mankitiko saksako budepabatgipa aganaha, 'Beben, uamangko nīgipa aro uīgipa sakkirangkode an·ching man'jaha, indiba sakki minga gnangpiti, ma'gipani janggilsako ba'enggipa bi-sako a'o wate nibo. Unon ua bi'sa je me·asachi re'anga, uan bi'sani pagipa pagipa ong'gen, aro me·chikba unin jikchongmot ong'gen, ine angade

chanchia.' Unon pilak manderangan namnik-patokaha. Indaken bi'sako a'o wate nichina ge-etaha. Da'nang ma'gipa bi'sako a'o wate nioa, pachongmotchide re'anggija, te'rik on'ronggipa pantechisa re'ange mikkango chadenge dongeaha.

Ua bi'sa salgimikan panteni te'rik on'ako cha-ahani gimin te'rik on'taigen ine gisik ra'esa re-angachim. Unon melagiparang pilakan, 'Ua pantean bi'sani pachongmot aro ma'gipara uni jikchongmot,' ine rae on'tokaha. Da'nang bi-sani ma'a paade nitatgrike graptokaiaha. Panteba ua me'chikko kimani ong'jaha. maina setangkon watna man'pajachim.

(Nampinikani kam dukni ong'skara.)

SONGDU ARO DURA

Chengoni salrangode Songdu aro Dura nok-chame ong'grikachim. Durani demechik dakanangbeachim, uko Simsera mingachim. Songduoba bilakgipa aro nitogipa depante Singra minggipa dongachim. Salsao Dura an'tangni nogipa Songduni nokchi re'angaha. Ua an'tangni demechik nokna ba'a, Durubolna dinna demechik Simserana an'tangni grisokchi Singrako chawari nokkromna

sing'eaha. ' Nang'ni mikcha namnikpaode, gipin gita ikgilrakgipa, gisik rakgipa, grongan a'mang nangjaoba, ki'mean samte ba'jaoba, wa'se besa kaeoba, dalne mejolaioba, ma'manan adanan ba'a, aninan-chamenan dinna. Jakkale nibo, wilpue ra'ba,' ine nogipa Songdu adatang Durana ku'-pak-ku'salaha.

Mamatang Dura gritang Singrako noktangona rimbae, salsni walsni wak matchu doke, chu ringe, mi cha'e, demechik Simserako do'si do'doke on'aha. Simsera kawatang Singrana ka'sae mima gorim jahako song'e, do'do do'regipuko doke, song'ratchie aro wakchanggipok, kasiko doke song'-kangkile cha'china on'aha. Indiba segipa Singra cha'ja ringjaha. Ku'sa aganpagija rototo, oko gimin sikkija chengchocho dake dongaiaha. Indake dakako nikenba jikgipa Simsera duk man'e, me'a ginchi sike, chambil bitchi rue song'erite on'taiaha. Unoba segipa Singra puraan rong-minikkuja, e'chingan gilminikkuja ine cha'na jechakaiachim. Unigimin jikgipa Simsera duk man'bee salsui walsni ong'pile rokom rokomko song'e-rite medin-chidine on'aha. Indiba segipa Singra cha'ja-ringjachim.

' A'song dongdika dongjawa,
Chinga ringdika ringjawa.
Dongansengja dongjawa.
Roansengja rojawa.

Chimesenga ringjawa,
 Ka'mesenga cha'jawa,
 An'sengjaoba songtangna,
 Ma'an paan nokona.
 Re'pilgnok angade,
 Dopilgnok Singrade .'

Iarangko Singra jikgipa Simserana aganaha.

Singra okkriako chakna amna gita redura mik
 ritghasa ro'achi an'tangni kangkareko kajangjote
 dongaha. Indaken ua salsni walsnina cha'gija
 ringgija chakchikaiaha. Ja'mano amjae ma'gipa
 Songduona katangpile kattarangko aganeaha.

' Ama angade okkriakon amjajok,
 Chi ringna sikakon man'jajok,
 Song'anan mitchia cha'ja,
 Chi ringnan ku'chia ringja,
 Song'a kniding gnang song'aia,
 Chia chiancheng gnang ko'aia .'

Indaken angade salani walsni cha'gija ringgija
 dongaijok ama, ine agane an'tang kangkareo
 kajangjotgipa redurako engoa, ma'gipa Songduni
 mikkangon da'nang Singrade gitilwate siaha. Uko
 nike ma'gipa aro jonggipa Jangra duk ong'beaha.

Jangra ka'o nangbee Durako dagriksrangna
 mangsonge, ma'drang bakdrangko okamate chan-
 chianiko dakaha. Uamang mite Nagniko katchi

Teng'ajuko a'ko nol ratchinapatalko singsingkol puchina aro Buga-Radepa, ko, Na-nil-Singsepako, mikkama Nore-Chireko, mite Sambu aro Ratcha-Karu nokmako ma'nok cha'e an'tangtangchi chakpa-kingpachina Songdu bakrimaha.

Indaken uamang Durako dinggrik dakgrikna ine Salaram mitechakchina doe, Mikkama Nore-Chireara salsni walsnina kingking dontonggija bilonge mikka waataha. Unon a'bri a'chu nikpilgija mrippile chi dal'bae Durako mripna a'bacheng-aha.

Uko nike Dura namen kenbeaha. Unigimin uaba an'tangko chel'chak-kingchakchina ma'nók Salgra-Salgirak grap grape okamaha. 'O, apa Salgra-Salgira, Songdude angkode chi mripe, Songdu bana ditdoe so'otna-imbikna dakengjok. O, ama Balgira angko chel'chak-kingchakpabo, Sala taktak rakatbo, Bala hoho balatbo,' ine mol-mole okamaha. Unon Durani duko ga'aknasienga ko nike ka'sachakenba Salgra aro Balgira salni walsnina kingking Sala taktak rakatjok, Bala hoho balatjok.

Indakesa Durako Songdu chi mripna man'jaha. Indiba Songdu aro Durani dakgrik-dinggrikanio Durako chichol damgni dake su'sotna dakaha aro gitok dake damgni jangjotaha. Ukosa da'ona kingking Do'ma gitok aro sogin gitok ine mingenga

(Ma·drangan ripeng, bakdrangan bobil ong'a.
Grongtangan mata ja·chingtangan bu'a.)

A·CHIK WANGALA

Dim—dim—dim chong dadichong,
Dama dokat—o
Nomil pante mesana—
An·ching wangal—o ;
Dama bangsi sikana,
An·ching mesana.

1. Bilsì kari sokpingo,
Wachi ra'gat—o ;
Mia misi akmano—
An·ching wangalo.
2. Pura jaksi tokmriko—
Chuchi rugalo ;
Cha·chat so·e—' mite ' na,
Din—e—wangalo.
3. Matchu chara milako,
Jengo gatako,
Cha·e mesa an·sengna,
An·ching wangalo.

4. Kotip gital ra'ako,
Kae nipana ;
Bilsin ' gisep changsasan,
An'senge nina.
5. Do'me ponding—kotip—o,
Nokman ' potat—o,
Nomil pante warek—rek,
Nokman ' sa'rao,
6. Donsoronga un'sal—ua,
Chame see ra'na ;
Nika gnang pantede,
Re'ba an'sengna.
7. Chamsogimin, saktik—o,
Nokking wensok—o ;
Dama, kram—ko ra'gate—
Bon'a—wangelao.

By M. KOKNAL

NANGGORERE GOSERONG

(Ring taitaiani)

Nanggorere goserong !..... 2
 Oe nanggo goserong !

Pante :—Kera matchi tejang tejang, manggot
 wa'tre dawiljang,
 Baoni songni nomilming, maia chatchi
 de'aming,

Me-tra :—Baoni pante chalangsa, bo'e roatal-
 jokai !
 Sel'u chokot ra'esa, sel'a dakbrumaesa.

P. Songo noko rooba, mande ska mitaka,
 Katgen maina indiba, chame nang'nan
 ka'paka.

M. Aiao, jumang gitasa basakosa sokbajok,
 Da'nang, gose da'osa gisik ka'tong an'-
 sengjok.

P. Do'kuani mikoa do'jinmana janggama,
 Alamala jokona nang'nan ka'sagakmana.

M. Me'chik bi'sa angade gisik soka chu'ongja.
 Mikkang a'jak a'jakde bang'e katta man'-
 paja.

- P.** Bijak se'engipade ramasamni darechik,
Nomil silbegipara, na'a sani demechik?
- M.** Mino gisimgipade uko minga darechik,
Na'an angko nikenga, anga nokman demechik.
- P.** Ramasamni suedil bolna bate wejawa,
Mikkang daknangbeoba, angni jora ong'jawa.
- M.** Nambatgipa mimasa, cha're ra'e ge'boda,
Mikkang bimang nampaja, ka'sachake ra'boda.
- P.** Chiringoni rong'teko pil'eng pil'eng ga'mana.
Angni mikcha, nomilko pil'e pil'e nimana.
- M.** A'sesamni me'ako ranggol pe'e galangjok.
Angni mikcha panteko jawa man'e katangjok.
- P.** Aramoni mikkara wanakama wajama?
Angni mikcha `nomilko man'akama man'-
jama?
- M.** A'seoni setiri pikna dako bilgiri,
Chame nang'ko ra'naba ama apan gamgiri.
- P.** A'baoni jallikko, maina minchichotata,
Nomil nambegipako da'nang mikchi ong'ata.
- M.** Me'gong baljok an'sengjok, a'rak sekjok
an'sengjok,
Chame nang'ko nikoa, aiao ka'a timtimjok.

- P.** An'sengjaoba songtengchi, re'nok ka'sa
baktangchi,
Nomil nang'ni jeoba gualjawa gisikchi.
- M.** Rongreng reserve bolgrimo, bolong bolsal
mrongdim,
Aiao, pante jinmade nitojokai sirongdim.
- P.** Kingbaliping baliping, a'brin' me'ga balenga.
Rimit, tangsek ganari nomil jinma jinenga.
- M.** Bolni bata bolchuo, do'pa bipa ba'enga,
Gose na'de pantede, angko galna am'enga.
- P.** Burungoni do'skide medong ratpakaria,
Aiao, na'de nomilde mikjapgija niaia.
- M.** Bolko taktakdogipa burungoni tilareng,
Angni mikchagipade an'gitchake pongreng-
reng.
- P.** A'rak soko sin'srika, Salgrooni balwana,
Nomil nang'ko dongnaba, Apamangnan
kenenga.
- M.** Barioni te'gatchu bibal balgramaria,
Pante nang'ko ka'paoba indin ka'dong-
gramaia.
-

JAJONGKO RA'ANI

Chengoni salrangode Sal, Ja aro Askirang da'o-gita chubeao dongjachim. Attamsao me'chik saksa sarao mi su'na ine rimolko de'dooara salgio nangkingkangaha. Unasa ka'a nange rimolchi su'dodoataha, indakesa salgiara chubeaona tang'-doangaha ine aganani gnan.

Attamsao jarambong ong'mitingo, jajong teng'-beani' gimin, ma'a paa depantegipa ja'regipa baksa a'songe jajongko nigitoe rotokengachim. Depante jajongko kal'e rona ine ra'onechina pagipako aganaha. Ma'gipa aro pagipa rokom rokom kattarangko agane depanteko aganoba ua knachakjaha. Batesa a'o tuomrome sidekdek-pile grapsrangaha. Ma'a paa chaktogija duk man'aha. Bi'sani dontonggija grapako knae ma'-drangrang aro noksulrang re'batokaha. Uamang-ba bi'sako mol'molaha, indiba ua bi'sa knachak-jaha.

Ma'a paa detangna ka'sabeani gimin ka'-dimeatna gita jang'kiko chandoroange jajongko ra'onena chanchiaha. Indaken ua wa'ani jang'-kirangko dakdamaha. Ua saratango donggipa te'brong kambeoni jang'kiko kadoroe maldoang-aha. Indaken ua chubeangahaoa uko nikpiljaha. Jajongona sokna (wa'chusa) jang'ki ge'sasan nang-aiahachim.

Unigimin ua a'o donggiparangna aganataha. 'Jajongona' sokna wa'chusa nangaijok, bakbak ka'sapae on'doatpaku, ine chrikataha. A'o donggipa manderanga uni aganatako, 'Jajongona sokaha, jang'kiko den'sotbojok', ine sring sring knaskaha Indaken uamang jang'kiko den'sotataha-oa, da'nang mande aro jang'kirang a'ona ga'akbae mandede siaha aro jang'kirnagba be'tongtongaha. Ua biap da'oba Goalpara Distriotni Chotipara songni sepango dongenga, aro jang'kirang ro'ong pil'e chinrangko da'onaba nikna man'enga.

(Ong'na ampilgijagipana ka'sachake dakdraode sina nangronga. Grongtangan mata ja'chingtangan bua.)

ME·GAM-GAIRIPA DIKIL-SINGIRIPA

Chengoni chasongode a'gilsako · donggipa manderang pilakba sia grichim. Budepa, buchuma, pante, metra aro bi'sa-desarangba jeni jena krara ong'e dongtokaiachim.

Changsao Me·gam-Garipa Dikil-Singiripa anti-china re'angaha. Antioni re·bapilmitingo ua ramao Abet Ranggeni ma·bitchi mapu pil'enba
Me·gam-Garipa rim-

enba natong teke nokona ra'bae dedrangmung bijak song'e cha'aha. Unigimin uni su'gipa Abet-Rangge ka'o nange Me'gam-Garipako dakgrikaha. Indiba amjaha. Abet-Rangge an'tangni ma'drangko okame an'tangko dakchakpachina mol-molaha.

Uni ma'drangrangara sawaka, bisikanchi pariduri, okgitchak, mikgitchak, mikgitok, mikkana aro gipin gipin rok-rogirang ong'achim. Ua-mang Abet-Ranggeke dakchakna re'batokaha. 'Na'simangoni sawa Dikil-Singiripako dakgrikachenggen?' ine Abet-Rangge uamango sing'aha. Uamangoni saksaba aganchakna man'jaha. Maina Dikil-Singiripa bilakbegipa ong'ani gimin kentokaha.

Bon'kamao galimmak aganaha, 'Na'simang kentokode anga mikkang pa'change nigen.' Me'gam-Garipani wa'al sikna chu'dapo asongmitingo onggareoni galimmak uni mikrono aro gingtingo ga'akdapaha. Me'gam-Garipani mikron mikjroaha, gingting ginggae atchingpetpetaha. Mikronba nina man'jaha. Aditani ja'amno sko sabae sin'a ding'a sawaka (fever) sabaha. Ja'mano rokom rokom rok rogirang chatimole uko saattokaha. Da'nang Me'gam-Garipade amchakjae sisrangaha.

Ma'drangrang aro songsulrang dakbewal gita ganchi rike uko so'aha. Sigipani mimemang

song'ate matchu ja'ping aro Chambil koksep aro gipin gipin bosturangko on'ate me'mang a'songona watataha. Me'gam-Garipade Dikil-Singiripa on'atgipa natchu ja'ping, Chambil koksep aro gipin bosturangko ra'e me'mang a'songona re'angaha.

Me'gam-Garipa Dikil-Singiripa ua biapo saksan sikdikdik donge nioba, dongo dongdika, roo rodikani gimin an'tangna on'atgipa matchu ja'ping aro Chambil koksepko ole songtang-noktangona re'bapilaha. Noko jikgipako nikejae, 'Nang'ma bachi re'anga dedrang?' ine sing'eaha. 'Amade nang'nan mi'memang song'na ine tiksa mona-chironggena (na'tik na'bat am'na) chiringchi chekke koksi ra'e re'angenga,' ine dedrang pagipana aganaha. 'Nang'mako bakbak re'bachina aganebo,' ine pagipa dedrangko ge'etaha. Uamangoni saksma ma'gipaona re'ange, 'Apa sagi nokona re'bapiljok, nang'ko am'enga ama, hai bakbak re'babo ama,' ine bi'sa ma'gipana agane rimeaha. 'Nang'para siman -bon-manjok, banoni re'bapilkugen, gose,' ine agane bebe ra'jaha. Batesa grap grape tiksa mo'angaha-chironggeangaha. Da'nang Me'gam-Gairipa Dikil-Singiripade nichaksobeoba re'bajahani gimin duk ong'beaha. 'Ha gose! angko namnik'ka.sajaen re'bajajok. Angade re'pilanggnok dedrang. Na'simangan ia mat-

chu ja'pingko aro Chambil koksepko cha'rikbo. Angade re'nahane dedrang,' ine grape re'-angpilaha.

Sal do'bret-ki'sang dakango, dikmeatam chana-
posa jikgipa nokona re'baaha. Unosa segipa
sag'ni donangpilgipa matchu ja'ping aro Chambil
koksepko nikaaha. 'Da'nang, gose angseara-
angkawara re'bapilbebeachim gose, angdeni agana-
ko bebe ra'gijani a'sel ong'aha,' ine agane grap-
beaha. 'Da'o anga angseko-apako-angkawako
ja'ku rike jama sane nikugen,' ine chekke-koksi
dongalari grap grape rikangaha. 'Angseko-
apako nikrikpaama?' ine chibimani an'cheng
sing'eaha. 'Oe nikrika, anggitan re'angaba.
Iake uni ja'a ga'e re'angani ja'kolrango chi dong-
pilenga nipabo, aditan jaroangjok,' ine an'cheng
aganaha. Unoniba rikangtaie ua te'rik re'suo
sing'eaha. 'Angse-apa Me'gam-Gairipa Dikil-
Singiripako niksopaama?' 'Oe niksoa. Ang-
kon milamchi den'choke roangjola, jaroangjok.
Angan soksol-ritimpilbajok nipabo,' ine te'rik
re'su aganaha. Unoniba rikangtaie gongko nika,
'Angse angkawako niksopaama?' ine sing'eaha.
'Angkon mil'am nagengchi den'choke roanga,
bewal ru'utangjokai, angan soksol-ritimpiljok,'
ine gong aganaha.

'Him angai! angse-apako angkuriko srapku-
genma srapjawa,' ine agane krengtimange rik-

angoa me'mang a'songona, Jugi gitimona dakang-gipa rama cholbibraona ua sokeaha.

Ua rama cholbibrao dal'begipa aro chubegipa rong'totma dongachim. Pilakchinikoba re'gele re'ani chol dongjachim. Da'nang segipako rong-totmani nalsao dongengako mrang mrang nikat-engachim. Ua rong'totmako maldona jotton ka'beoba ga'akbnpilaiachim. Ua rong'totmara rimilsrangachim aro mamung rim'chakani aro ga'chakanin dongjachim. Ua ang'kerongko nike grape mol'mole aganaha, 'Ang'kerong ka'sapae angni segipako grongpana a'ako bitponge angna on'pabo na'a.' Ang'kerong aganaha, 'Angna matchu chara bipa gisimko mangsa na'a on'chengbo. Unode anga a'ako bitponge rama dake on'ginok.' 'Ha gose! Angade segri randisa, banoni matchu chara gisimko nang'na on'pana man'gen', ine grape aganaha. Pilni pil changni chang ang'kerongko grape mol'molbeoba knachak-pajaha.

Da'nang mamung cholkoba dakpana man'-pajae, grap-manggasie sinti-do-pilgime, mikchi chiwaring ong'e bika a'dram be'e nipil nipile songtang noktangona Me'gam-Gairipani Dikil-Singiripani jikgipa re'bapilaiaha.

Ang'kerongni matchu chara gisimko on'bo ine bi'ara bokchitsa ongachim. Unigimin mande-

rang ang'kerongko jiknasiode bokchitko am'esa jikronga. Ang'kerong ukosa cha'na namnikbeachim.

(Me'gam-Gairipa Dikil-Singripan mande-rangoni sichenggipa ong'e me'mang a'songo dongechenggipa ong'a ine A'chikrang agana.)

MONGMA ARO PERU

Badiaba burung diltubegipa damsako mongma mangsa re'joljolangengachim. Unon ua kinma jinmako nikaha. Ua kinma-ranga an'tangtangni rajako biap damsani biap damgipinona ripeangengachim. Mongma uko nike uarango 'Maiko dakenga?' ine singaha. 'Chingni rajako nok gitalona ra'angenga,' ine kinmarang aganchakaha.

Unoni adita re'angtaion, do'kuani bang'a gipin do'drangko rimbite dongengako aro do'drangni cha'aniko ra'batoke do'kuana on'etokeako nikeaha. 'Dodrang, na'simang maina cha'gija gipinnasa ra'bae on'tokenga?' ine manengaha. 'Maikagen, uan ching do'drang gimikni raja dal'gipa ong'a. Chingade jeko ge'eta ukon dakna nangaia.' Mongma gisiktango chanchiaha. 'Anga mong-

ma, a'gilsak gimiko dal'batsranggipa matburung ong'eba raja ong'pana man'ja. Kinmarangni aro do'drangni raja donga, indiba matburung-rangode raja dongpaja,' ine chanchie aro duk man'bee re'angengachim. Unon peru mangsa mikmenggugu nabae, 'Salam raja, Nang'ni mik-kang bimangko nion, na'a mainaba duk ong'-enga gita nika,' ine peru sing'aha mongma aganaha. 'Oe beben, anga nikaha, chonchon-begipa kinmarangni aro do'drangni raja dong-toka. Indiba matburungrangode dongpaja. Donggen ong'ode, angan dal'-batgipa matburung ong'achim.' Uko knae peru aganchakaha. 'Beben nang'ni chanchia gita chinga peruni jat gimikan raja dongna nanga ine chanchimanaha. Aro raja ong'na kragipa matburungrangko am'-enga. Da'o anga nang'ko grongaha nambejok. Anga da'o angni peruskarangko aganna re'anggen, ka'sapae na'a ianon dongsobo.' Ia kattako knae mongma kusi ong'bee sengsoaha.

Peru re'angenba peru jinmako apalbegipa aro tu'begipa warini nalsao nichakatsoaha. Ja'mano an'tangde mongmaona re'bataie rimeaha. 'Na'a ia apalbegipa wariko batangbo, peru jinma nang'-ko raja songna sengsoenga. Gipin rama dongja,' ine aganaha. Mongma raja ong'na ske, kusi ong'bee re'angaha. Adita re'angon a'dubeko gipuroangaha. Peru jinmaba chro chro 'Salam

chingni raja,' ine inchrosotokaha. Da'nang,
mongmade a'dubeko gipue re'nan man'jaha.
Chadengsime dongna nangaiaha.

Bang'a salni ja'mano mongma chadengsime
siaha. Peru jinma bang'a salna uni be'enko
cha'e bon'ataha.

(Mikboke dakani kamara, an'tangko gimaat-
skani ong'skara. Ku'siko bija bitchi, okningo,
matcha bisi.)

DEPANTE SIO GRAPANI'

Me'mangni bogiani ja'nengtakram,
Katchini chanapani ka'speram.
Angde chongchong atchongbone,
Do'ma dengdeng chadengbone.
Uno Chitmang a'songona re'o,
Balmang chigaona gao,
Me'mang mesal cha'ram minga,
Katchi wal'tot tottram dona.
Matchu boldak karamna,,
Me'mang gana sikramna,
Me'mangni ramadilo nawang rosoenggenne,
Katchini cholbibrao Jugi sengsoenggenne,
Nang'ni jaksil aginnotkosa goangaribo,

Ukon Nawang-Tikonsilpa minga,
Bikon Jugi-Ritchibinpa dona.
Angni sale chakgipasamung apasamung,
Chingni de'e winggipasamung do'masamung.
Bolong rakgipa gita apara,
Bolsal danipa gita do'mara.
Stilna rongmisina mriari dongamung,
Balwana balmisina gongdolari roamung.
Mitesa okkuangsisa pe'arokkon,
Katchisa ja'pa cholsisa wangarokkon.
Apani angrikkini miteni pe'ako knajajok,
Do'mani angkambeko katchini wangako
uujajok.
Mitena ritchasana kambe dotdime mesoka
apaba.
Katchini hajalna ja'pan chonike agana do-
maba,
Mitena rabudena bijak name mesoka.
Katchina rekkon pantena ku'rang name agana,
Indakesa mitea pe'a apako,
Indongesa katchi wang'a do'mako,
Rua basi te'raka apani angrikiko pe'a.
Mrit samte sojaka do'mako wang'a.
A'ni bolong pangsamung angdeba,
Chini rong'ma totsamung do'maba.
Angni sinchi jantiasamung angsaba,
Chingni grong rim'rokasamung do'maba.
Grong smu sokjaoba apachim,
Ki'me takrengpajaoba do'machim.

Jolane mesokjok angni oko keaba,
Dandi sile aganjok angni jako ra'aba.
Chongchong atchongbaboda apara,
Dengdeng chadengbaboda do'mara.
Maina tusitimangjok ku'aganboda,
Baona mikil nom'naka ku'mesokboda.
Miteni Salgirani muniko cha'chakakon,
Nokmani Susimeni dodokiko ra'chakakon
Ratcha a'songchina dede gabirangnabe
Nengba chigacna janggi matchangnabe.
Amatang Chitmang a'songchina ja'reangbo,
Sokutangchi Balmang Chigaona ja'sokangbo.
Apani mikgil te'rakko nigawe,
Ku chil rangreko ka'dingsmite.
A'songna ritchasana jaksi perikkope,
Songna nokna mikgil onchikkope.
Apani nang'kisango kratcharignok,
Do'mani nang' ja'mano jaksi chikaignok.
Angni satta awechim apara,
Ang' re'jak dikilchim do'mara.

SILKAMAL ARO MANDE

Badiaba gitim damsao silkamal dongachim
Ua manderangna atte, gitchi, rua aro gipinrangko

doke palrongachim. Ua mande jakmingipa ong'-ani gimin manderang namnikbeachim aro ukon dokatrongachim.

Changsao adita chel'kalgipa songo donggipa mande atte dokatpana ine sil aro anggalko olbae silkamalona re'baaha. Silkamal, 'On'tisa sengpakubo,' ine aganaha. Ua asonge sengmitingo neng'nike tue rooara tusiangjolaha. Ua mandeni adita tusiangani ja'mano, uni gingkoloni snare mangsa ong'katbaaha. Ua snare malrroe atte chiripna dongipa dikkongni rikingko malam-wilwilaha. Ja'mano ua chikon jrobate a'gako malangaha. Ua atte dokramni sambao kimka bol pangsa donggipako maldoangaha. Snare kimkani pilak cheksirangchi malrroe roani ja'mano bolni kambe ku'chotona maldoange niwate roaha. Ja'mano ua malonpilbae, apsan dikkongni chikon jrobate, tusienggipa mandeni gingkolchin napangpilaha. Silkamalde atte dokna gualpile nie dongengachim.

Snare napangmanahaon tusigipa mande simak-bae an'pene chakataha. 'Aiao ! angade, namen tusibejok. Jumangba nikbejok,' ine silkamalna aganaha. 'Mai jumangrangko nikbejok naara ?' ine silkamal sing'aha. 'Anga jumangchi badiaba wari dal'gipani dramjoljol re'dute roani ja'mano, ua wari dal'gipakon jrobatenba, a'gako re'ange giting bol pangsaako nikeaha. Ua gitingko gaka-

tangenba ; pilak cheksirangchi malrroe romano, kambe ku'chotona gakatange niwate roaha. Pilakchikon pang'sangsang nikwattokani gimin namen an'sengsranga. Angade re'bapilnan sikjajokchim. Adita niwate romanon ong'onbaejok. Ua apsan ramakon re'bapile dal'gipa warikon jrobattaie noktangona sokbapilon mikrakjolbaejok. Ua biap-ranga badian ong'enggenchim uinan man'jajok. Ua giting bolni ja'pangon tangka basingsa gope dona ine jumangchi mande saksa ka'sae aganahachim. Na'a uko bikote ra'bo ineba aganahachim da'nang. Banoniko sandie cho'e bile ra'naba man'gensai, biapkon-bichamkon uimangjajok.' ine silkamalna aganaha. Silkamalde uni aganako gisik nange ka'dingsmite knatime ra'aha, aro gisiko namen kusi ong'beaha.

Silkamal 'an'tangni dakenggipa atteko dongale ; ua mandeni attekò bakbakan dakgalgale on'ataha aro dokani damkoba ra'rikjaha. Atte man'ahani gimin kusi ong'e noktangchi re'angaha.

Ua mandeni re'angani bak ja'manon silkamalde gitchima ra'e kimkani ja'pangko cho'e nion tangka basingko man'bebeaha. Silkamal namen kusi ong'beaha. Silkamal jikna-denaba on'tisaba aganeba rojaha. Da'nang, jumang nikgipa mandede marmungkoba uipajaha.

A'chik ma'gitcham-pagitchamrang manderang-ni aro bi'sarangni tusimitingo uamangni jama-janggirang guk jo'ong, mese, snare, do'o aro gipin gipin bimangrang pil'e roamronga ine agana aro bebe ra'a. Uni gimin sarangni tusimitingo guk-jo'onrangko kalakna aro so'otna on'ja. (Na'aba bebe ra'ama ?)

BUCHUMA ARO BUDEPA

Song damsao buchuma aro budepa jiksese dongachim. Uamango depante aro demechikba dongpajachim. Depante demechik ba'paoba sitokaiachim. Indaken uamangko ma'drangrang aro songni manderangba deko cha'giparang ine namnikjachim. Unigimin uamang songo dong-gija a'baon dongkamaiachim. Budepana bate buchumaan rakbatengachim. Budepade nagok ong'e knana man'brejaha. Ku'rang rake aganoa, maina angkoka'onanga ine bu'chumako maneng-rongachim. Rake aganpaoba maina angko saia ine aganskaachim. Indaken da'nang bu'chumade mikjip jakjipe, jaksi-ja'si mesoke, sko rokreke aro gipin chinrangko dakesa agangrikrongachim. In-diba uamang namen ka'sagrikbeachim.

Salsao buchuma mi sarangko ake jo'e su'aha
 Mi su'manoa buchuma nokdecholo merong cho-
 tale ke'roke mibimako baseenba, merong kamretret-
 ako smilana cha'e roenba dondikgija ku'gepe
 cha'joljole roengachim. Indakmitingo budepa
 ang'ke na'tik am'eachini re'bae, buchumani ku'-
 gep ku'gep merong chobaiengako nikaaha,
 Buchumade angko ang'ke na'tik man'abajani gimin
 ka'onange saibeenga ine chanchiskaaha. Indak-
 en budepa ka'o nange nokkrachini re'angpile,
 nokdechol gita a'achina buchumako ga'pakwatna
 ine ja'a de'e krenge ga'pakeaha. Indakniting
 chachao buchuma bamgopchange mibimako
 kolengachim. Da'nang buchumako nangegija
 srete joljol an'tangsa nokdecholchina ga'akange
 wakrangni auram a'dubekosa ga'akeaha.
 A'dubek tu'ani gimin gitok dipet a'dubek nang-
 tokaha. Buchumade mamungba uipajae, 'Da-
 alde bubepa kal'ake mainasa wakrangni auramo
 aue roengasai,' ine nikatenba aganaha. Da'nang
 budepade be'en gimikan a'dubekrara nikajaha,
 mande gitan nikpiljaha. Buchumade bamgopari
 ku'sik rim'tipe segipako nitatgija dil'dilari ka-
 dingskabeaha. Budepa kongsi-kongdang chakate,
 an'tangkon, ka'done ki'sangtetangko apgni tipan
 tip dokenba chidarechina katange aueaha. Bude-
 pa name auman'o nokona re'bae, gansre-chinsti'e,
 mamungkoba agangija nokgilsrekni sal nangao
 ku'bososo asonge dongaha. Ka'o nangna kene

buchumaba mamungkoba sing-gija dongaiaha.
Indiba buchuma ka'dingna skakode dontong-
na man'ningjaha.

Nagok manderangni kamrangna ka'dingani
dongronga aro duk ong'chakaniba donga.
(An'tangko ka'a nangoba ka'tongon bon'na
nangaia. An'tangko dokoba be'entangsa saaia.)

TAPLI MESO

Tipli meso, meso,
Dak mani henedim,
Dim, dim chari,
Mikka, chari
Dimsisi nonosi,
Duta manda kanda.

Ian mingsa bi'sarangni jinma jinma tom-
dake; ku'rang sale minge roani ong'a.

Iani mamung orto ba mangsongani dong-
jaoba, ring'e roania namnika. Ua apsan-
kon mingtaitaing nanga. Iaba bi'sarangko kusi
ong'atani mingsa ong'paa.

AGANME·APA

(R)

Rama ja'kol talpila, }	
Ja'ku chitangpila. }	Agre rodugaa.
Rongrim bila }	
Acham gala. }	Kajia am'draa.
Ranggol chroktimanga, }	Rang'san daka ba
Chanchigija ku'anga. }	dakninga.
Ringe nio mesenga, }	
Cha'e nio a'nama. }	Mamung namgni gri.
Rongsa chi'on do'bima, }	Desaksa manon me'-
Saksa ba'on me'chikma. }	chikm me'apa chana.
Rong'kuchak }	Namgni dongja.
Rong'ma onjeta. }	Mongma doka.
Ranga gama megimin, }	Gam dongkama, indiba
Nokol mande do'kimil. }	mandede dongkamja.
Ruragipa Susime, }	
Malamgipa do'kime. }	Tolrurae on'gipa.
Ruat nade gane, }	
Mikka bitchi ringe. }	Bimchipani.
Rim'brakani chibonga, }	Dosna krae dai nang-
Jakjipani gong'bonga. }	ani ba gamani.
Rama bolbijak gita, }	Me'trako mitelani ba
Do'do do'rimit gita. }	solani.
Rasong man'gipa koksi, }	Gipinni duk chaka-
Duk chakgipa chekke. }	chi gipinsa rasong-
	kode man'skara.
Rengsi sika, }	Apsan nangrime dakani.
Gol'o jota. }	
Ranga gama ki'gol, }	Mi misi dongjaode rang
Mia misi manggol. }	gam gamchatja

Ranga gama biltango, }	
Mia misi wa'pango. }	Bimchipani bite.
Re'o ja'ku tang'ja, }	
Gamo a'ba nik'ja }	Aratani kam.
Rui am roe salja }	
Sreng gisikwatja. }	Gisik sokpaja.
Rae randi a'kiona, }	Jikgrigipana segriko
Sikbek nolbeka. }	on'ronga.

(S)

Songna nokna chalang, }	Songo noko dal'oba
Gipinnade a'mang. }	gipinnade kena.
Sokbaode chalang, }	Bobilko amo rasong,
Niksojaode me'mang. }	siode bon'jok:
Songo giting pangsani, }	De'mittelani aro chonik-
Nio mongma mangsani. }	ani.
Salna jaksi on'e, }	
A'na kang'kare gonge. }	Bimchipe dakani
Salo ramo ran'jajok, }	Dos ong'giminkode gim-
Chio su'o taljajok. }	aatna man'ja.
Sokgipa soka, . . . }	Demikkang nika.
Sokseta gana kika. }	Til'eka ba an'chara.
Silskako silchi sika, }	Mande mande skao
Miskako ginde pua. }	pangchaka.
Sko kimkatek, }	An' tangko one mesoka-
Bimang do'pinchep. }	ni ba chonnikani.
Sokna tengkia, }	
Alna branga. }	Cholgri ba kangal.
Seng'na andalsikmiting, }	
Achak matcha chik- }	Seng'srangkuja.
miting.	

Su'tikko matcha chiko dram samsa be'a, Mong mako do'reng bale sam- natikko balgae cha'a Sio olmak ko'sano sina, Kato rama dingsanko katna.	}	Chongipamung nang- griko gam bona, dal'- gipako chongipa ampile rasong gimara. Me'a aro me'chikni mangsonggrikani.	
Senki wal'du ra'e, Gana mul jipe. Sokme a'jak bota, Ja'ping de'na sika. Sippi mikkangpaake, Guang sring dokpake. Seburungna nakarek korek, Setangna purawek dapbek. Sal rakao mik ka wasisiagita Salna satta ginggang- gang inge, A'na korom ja'changchang ga'e.		}	Bimchipe game-su'e cha'ani. Namgijana miksonga. Gro dingani. Seburungna aro setangna dakani. Namgni dongbreja. Dala dakani ba chon- nikani.
Song'a cha'kujanama, Jilla dal'kujanama. Sarani walkian sikuja, Noksamni re'chaman talkuja. So'mal dongdapa Mera pasadapa. Skang done, Kuri sone. Skang dilgipa Ja'man chakgipa.	}		}

Sinkario wal'tim,	}	Sin'e ding'a chakani.
Ding'kario boldim.		De ba'ahaon me'chik-
Sa'sa chi'on do'bima,	}	ong'a.
Saksa ba'on me'hikma.		
Sina a'kol nāua,	}	Sina sepangaha.
Bon'na a'song ga'dapa.		Ru'utbeani ja'mano
Saa namchabaa gita,	}	donggrikani.
Sia tangchabaa gita.		
Sio me'mang,	}	An'tangko on'kangani
Tango chalang.		
Siode me'mang	}	(Apsan mangsongani)
Tangode chalang.		Dakgniko dakchengbo.
Ge'a skang bite ja'man	}	Sioara bon'ani
Tio tokkimagnok,		Tango rasongni.
Sango gana cha'ginok.	}	Krimko dakani.
Su'songesa wegara,		Salko mikkako ming-
Hohoesa pakchara.	}	gija bimchipe kam
Salgrako su'teke wata,		ka'ani.
Goerako katepe pala.	}	A'sel ong'anio ba ong'-
		nasio jokna simsakani.
Susite chaka,	}	(Apsan mangsongani)
Kong'krote joka.		Dakgimin dos gimana
Susite joka,	}	man'ja.
Kom'tote chaka.		
Salo ramo ran'jajok,	}	Aratgipa.
Chio su'o taljajok.		
Sian salo kakkurak sia,	}	Kenchakani gri.
Cha'an salo peturak cha'a		
Snengana si'ditgenma,	}	Chra dal'gipa.
Attaana ma'gappenma.		
Skang chilna ba'a,	}	Bil man'gipa
Ja'man chakna dina.		
Sualgipa antigipa,	}	
Patigipa ra rongipa.		

Sinan cha'sua,	}	Beng'ako ra'gija a'selo ga'aka.
Gimanan mangjila.		
Sinasio na'chiba ki'me taptapa,	}	An'tangna warachakani.
Kolningode ang'keba grong sachaka.		
Salmit balmitgija.		Mamung nangepaja,
Sakchiba sokja,	}	Namgnian grisrang.
a'chiba ong'ja.		
A'o grang,		
Chio grang.		
Sara samsi dikako gam- rokgipa dongpaja	}	Segrina simsakani gri.
Nokking nagipuako jot- taggipa dongpaja.		
Stil rongmisi ona,	}	A'sel ong'a.
Balwa jakra bala.		
Sala nanggimin,	}	Jikgri, segri ong'a.
Chia jokgimin,		
Sireng gisikwatja,		
Ruram roe salja.	}	Gisik seng'paja.

(T)

Tango chalang,	}	Kim kim mangsongani
Sio me'mang.		
Tango gana cha'ginok,	}	Tango rasongni sioara bon'ani.
Sio tokkimagnok.		
Te'gita acharijok,	}	Namiting chacha.
Mi gita rongrimitjok.		
Tilekgipa joksua,	}	Namedake sakki man'- jaode gampil-sipila.
Agangipa sisua.		
Ta'ma mikroka gita,	}	Me'chikko de mitelani ba solani.
Te'rik minjota gita.		

Tip ja'gitota gita,	}	A'sel ong'gitika.
Kera nabak chota gita.		Sal manchia ba ku-
Te'gisim anggal so'o,	}	manchia.
Jagital jatcngrako.		
Tangnasa cha'a,	}	An'tangnasan chanchia.
Oknasa gama.		Tanggipani duk bang'a,
Tanggipana duk,	}	siahaosa bon'a.
Sigiminna suk.		Tangmitingoduk bang-
Tanggipana gimaani,	}	oba name siode sukni
Sigipana man'dapani.		donga.
Tanggitdikna wala	}	Segrina dukni onga,-
Namgipana seng'a,		namgipanara sukni.
Tangkanasa kam,	}	Tangkanasa dakaiode
Namgijani jam.		namgniko man'ja.
Tangkade suk,	}	Kangalko minoka.
Kangalde duk.		
Tangka nagok, Gorim	}	
beade, Mc'mangnasa		Namgnian dongja.
gronasa namaijok.		

(U)

Uri bimang dakjea,	}	Uri mikkangkoc dakjea,
Matcha bimung		Matcha rim'gilokode
mingjea.	}	bimung mingjea.
Usitesa joka,		
Kongkantee chaka,	}	A'seloni joka.
Usite mikchiko,		
Rimtome ka'ako.	}	Chakchikani.
Rimtombo ka'ako.		Chakchibo.
U'ianio soka,	}	An'tangnasan u'iaia,
Dake nia dongja.		dake nianide dongja.

W

Wa'se besa kaea. }	
Dalne mejolaia. }	Aratgipa.
Wachi soko aringga }	
chaka, A'rak soko timati bita. }	Bakan man'e cha'a bakan kangal ong'a.
Wachini sal raka cheng-cheng bengbeng }	Kangalni man'e cha'ode dal'a dakbea.
Nokkolni gitel ong'a ku.- }	
keng wakeng. }	
Wak gita jillurue }	Bimchipani.
Do'o gita ga'brite, }	
Wa'jak depgija [saigija] }	
Kinte [a'kinte] bnekgija. }	Bobilko dingani.
Wa'aba bretgija chinapja }	Kamni kri ong'ani
Griode kattaba ong'katja. }	
Wengkandikko sotgale gala, }	Krara kragijako basea.
Wengroako sottonge ra'a }	
Wal'himako donenba wal'tot totengpiti, }	Seng'oba changoba gip-inni ku'patianiko nanga
A'gamako bon'eba rama bakengpiti. }	
Waring moaria, }	Kimkamgija ong'-siatnasan dakaia.
Kilte akaria. }	
Wa'al man'na wal'tota, }	Namgnina kam ka'-ani.
Sin'anasa kom'tota. }	
Wachiode chikareni chi dimdima, }	Man'e cha'ani ba kangal ong'ani.
A'rak soko ran'krekkrek rana. }	
Wa'alna anggal, }	
Angalna wa'al. }	Ukoba ukoba nanga.

Walko watbo,	}	An·tangna	namgniko
Salko, am·bo.		dake	ra·bo.
Wal seng·jok sal naaha,	}	Uigijaoni	uiaona dak-
Walni kamko watnaha.		skaani.	
Wa·se ding·kario ka·-	}	Minggnikon	somoini
sina,		kri	nanga.
Sin·kario surichika.	}		
Wa·japang boljapangode			
ta·ma ta·ring sila,	}	Namgipakode	pilakan
Cha·ning ringning-		namnika.	
gipaode mite mande soka			

BRINGIPA AGANME·APA

Ku'monga grini kam,	}	Ku'mong nangrimja-
Gama grini jam.		ode chu'sokja.
Wal'ja gatinggela,	}	Kratcha'aniko man-
Achak kore chaa.		gitika ba daktimanga.
Wa'alni ding'aba sal	}	Ma'ani ka'saanian dal-
gitade ong'ja,		bata.
Ma'detangni (gipinni)	}	
ka'sade ma'gitade ok'ja.		
Waring moaija,	}	Kimkamna dongkam-
Kilte akaija.		na mangsonga.
Wa'tre wa'rama	}	Karap ong'a, matcha
Bilsi raka.		chika.
Wa'al gita ching'chae,	}	
Chi gita polsue, (b)		Asamsoe dakani.
Sal gita wa'sae.	}	
Wa'anma teptap teptap,		
Bolanma kokkak kokkak.	}	Balsalak rakkari.
Wa'anma bangsi sika,		
Re'ruma jaktap doka.	}	(apsan mangsonga)

Wak gita cha'waka,	}	Agre daka.	
Do'o gita ringwaka.			
Wak a'dubekon roa,	}	Bewaltangko	watna
Achak wakgalatangkon cha'a.		man'ja.	
Wa'al kama inode sarok- a,	}	Cha'uana batede wa'al	
Cha'uanga inode dong- kua.		kamanian namja- bata.	
Pakmao doro ra'ja,	}	Uisokpaja, ba an'-	
Melao katta pe'ja.		tangko onate aganani.	
Aganan mitaka,	}	Mitino kamrangko	
Ropaan dongtima.		agana ba jachaa.	
Ka'ara amja,	}	Dakdika ba doktoja.	
Bilara sokja.		Songna nokna okama.	
Brak me'gol okama.	}	Ku'mongc nangrime	
Ku'mongao nangrime,		dakani.	
Dakrimao ma'gape.	}		
Achak watok krua			
Do'hok paga smota.	}	Dosi dakgimin.	
Balwa jakra bala,			
Still rengmisi ona.	}	A'sel ong'ani.	
A'gilsakko ki'sangchi			
donbo, ku'mongako	}	Ku'mong nangrime da-	
mikkango ra'bo.		kan nambatgipa da-	
Nokpante rika,	}		
Chidare sala. (ba)			
Chidare sala,	}	Panteni salrango ma'o	
Nokpante rika.		pao kam ka'a.	
Nokpantekon rikkuja,	}		
Chidarean salkuja. (ba)			
Chidarekon salkuja,	}	Panteo ma'o pao kam	
Nokpantean rikkuja.		ka'ja.	

Mepal dinna chite gata,	}	Segipa man'na kam
Chite gata mepal dinna.		ka'ani.
Chite gata,	}	Se manna kam ka'ani.
Mepal dinna.		
Chia jokgimin,	}	Jik gri, se gri ong'ani.
Sala nanggimin		
Mongmako ga'chang-	}	Dal'batgipa.
bate,		
Chibrimo ja'gitota.	}	chongipao ga'aka.
Da'o ge'chengna,		
Ja'mano rana.	}	Dakchengbo ja'manosa
Ku'monga skang,		
Dangdika ja'man.	}	Apsan ong'grikanio
Kari chio sim'a gita,		
Atte rong'o dena gita.	}	Namgni gri.
Jaksil manggol te-		
rakrak gana,	}	Bilmiting,
Kotip sepat baljakjak		
kaa.	}	namiting.
Knimatram pe'miting,		
Nokna a'na sinmiting.	}	Namiting chacha.
Matkol tangongipua,		
Ja'gatangon nanga.	}	Gipinko gima'atna dak-
Dakmandaan m'ading,		
Me'ataman wak ping.	}	ara, an'tangon ong'pila.
Doko janggil s. ja mat-		
janggil	}	Kangalni cha'ani aro
Ino knachakgija wakna-		
chil.	}	ganani.
Kang'karean gomguja,		
Chachuraan boksrusru.	}	Skia aganako ra'ja.
Mibima gnang song'a,		
Chiancheng gnang ko'a.	}	Buchuma budepa
	}	ba chonikani-
	}	Gisik nanggija
	}	kam ka'ani.

Ding'a ding'a inoba sal-	
kode sokja,	Pilakan ma'chongmot-
Ama ama inoba ma'-	kode sokja.
gitade ong'ja.	
Aram gri goera goa.	A.sel ong'gitika.
Ku'nan sria,	
Jakan mitchia. (b)	Kattaba, kamba namja.
Jaknan mitchia,	
Ku'nan sria.	
Boltena songgitchamchi	} Nama ku'patianiko
re'a,	
Kattana budepako am'a.	} budepaoniko
Nachil nagok, {	
Bimang jada. {	} man'a.
Ikilo ku'tangpaja, }	
A'keo a'matja. }	} Uiani chu'ongja ba
Aguk madopa gita	
ga'tektekarijen, {	} Seng'paja.
E'sal bolbijak gita bal-	
ripripangaigen. {	} Bilgri, arata aro an'-
Ma'klong. }	
Paklong. }	} tangko onatani.
Mikkemana gong'bonga, }	
Jakjipana chir'bonga. }	} Pante aro me'trani
Bikatango ginde pua, }	
Mikchitangchi chu	} mangsonggrikani.
cheka. }	
Saljong krok sala, }	} Mahario buchuma aro
Ruram wape sala. }	
Achak sing'rakgipana	} budepabatgipa.
mi ka'sinko on'e,	
Bi'sa grapgipana sokku-	} Dosna kra kra
teko dure.	
	} gamani.
	} Ka'o nangbee daka-
	} nichu an'tangna duk-
	} ni ong'pila.
	} Seng'na skang do'o
	} gisika .
	} Bobilna kene donga.

KU·JIKSE BA KATA JIKSE

Ku·sike-Ku·patie, }	Namgni kamna
Agane·mesoke }	Agane, skie o·na
Padilong-Ma·dilong }	Dedrang saksaba
Madilong-Padilong. }	dongja.
Ku·bisi-Ku·marang }	Agana katarang namgi- ja ongronga.
Sa·o-sarap }	Namgijako manchina aagna.
Bi·si-bijong, }	Be·enrango rokom rokom
Pari·duri }	om parirang ong·kata.
Parirara-anggalrara	
Satikknia-dingtikknia }	Be·eni rokom rokom
Sachepchepa-ding·chep- chepa }	saanirang.
Nokgima-nokjronga }	Madipilsa
Nokgimae-jamgimae }	sie bontoka.
Ma·dong-nodong }	Maharitangko jik ba so
Bakdong-Ma·dong }	kim·a.
Sorek-sochek }	Dongchakram chacha- kram aro be·entangko
Rongtal-antalja }	rontale dakja.
Su·o-su·rakja, }	Bilgri, arata aro
Song·o-songrakja }	simsakja.
Jagri-manggri	Siani bimang napa.
Gingting rueta, }	Sina sepangani chin.
Petop daapa. }	
Mikkang ga·chi napa }	Jik aro se donggimin- ko uiani,
Ku·rang pale cha·a }	Kam ka·anirango
Jakmarang }	a·sel ong·ronga.
ja·marang }	Aganania aro kamrang- o namgija ong·ronga.
Ku·bisi-jakbisi }	

Wa·ku-wa·rengo, }
 Snare-dambinno }
 Salmit-balmitja }
 Balmit-salmitja }
 Me·tra ekmile
 Kera nabakaia, }
 Nangsa nangbakaia. }
 Grongao chadika }
 Namsangao ga·aka }
 Inggaltangon chatinga }
 Krongtangon chagaka }
 Ba·jamana-ba·kitika, }
 Ba·chona-chi·chona }

Anr·pako tuato- }
 wa·seona romroma }
 Waljoka-chijoka, }
 Chijoka-waljoka }
 Mulsan·o so·rima, }
 Chikongsan chiripa }
 Matchu bi·sa timori
 moon modao Tangka
 paissa adili goon godoa
 A·no sako nanga.

Ku·mong-nangrime, }
 Nangrime-ma·gape. }

Jikmanja-semanja, }
 Semanja-jikmanja. }
 Dapatchi-sapatchi, }
 Deburung-saburung. }
 Mika nia·ja·ku ga·a }
 Ja·ku ga·a-mika nia. }

A·sel ong·gnirango ga·aka.

Mamungkoba uipagija.
 aro nangegija dongaia.
 Sekimgija ruute donga.
 Maharichong·motong·a
 ine chanpaja.

Sing·a sana gri skatang
jik aro se kima.

} Kamtangon duk aro
 } kratchaako man·a.

Dedrangoni ba su·drang-
 ori dongsparangko san-
 diani.

Namako dakatna am·on.
 namgi jako daks kara.

Nok wa·al
 kam·a

Jikse apsan nangrime
 donggrikani kamrang.

Chawari singani.
 Tilekani.

Nokdango aro noksul-
 mung ka·sagrike don-
 gani

Maiba a·selrangchi·jik
 man·ja, se kimja.

Se gri bi·sa ba·a.
 Niachin, re·achin nama
 na aro namgijana mik-
 songa.

An'janggiri moa, }	Agre kenjagokaniko
Be'en an'dildila. }	man'e be'en moa.
Seburung-jikburung, }	Srik srik segipa aro
Jikburung-seburung. }	jikgipa donga.
Kote ka'a-pabrea, }	Segipani simano sigi-
Kote ka'a-sobrea. }	pani ma'a paani on'-
	gimin bosturangko on'-
	pile segipa aro jik
	on'taia.
A'gram-danggram. }	A'bako maiba a'sel
	ong'e gamna man'gija-
	gipa a'a ha gamspa.
Skim-Ma'ame, }	Be'enni rokom rokom
Ma'am-Skime. }	skanirang aro agre
	dukni sinjeta-rangko
	man'a.
Ma'an-ma'srak, }	Ma'a paani kam chol
Paan-Pasrak. }	aro dakbewalrang nama
	ba namja ong'oba de-
	drang su'drangni dak-
	panirang.
So'mal dondapa ba }	Jik ba se ning'o gipin
gadapa, mikkang wal- }	baksa nangrimani chin.
kusi nanga. }	
'Tileka-an'chara, }	Gipin me'a ba me'chik
An'chara-torea. }	baksa nangrim tileka.
Sokkane-aldue, }	Ma'ani bi'satangrangna
Chochoe-el'bue, }	ka'sae dakani kamrang.
Aldua-mittanga. }	
Sana-banna, }	Simsakbeani kamrang.
Niroka-nisola. }	Ma'ani bi'satangna
Ja'pingko bolgong }	atchiaoni ka'sae dak-
chane, }	ani kamrang.
Jaksiko Ki gol pee. }	

Kambe pe'a-bimang } bon'a.	Dal'a chu'sokahaon bil- ongge sae sia ba tanga.
Aema-ditema.	Songdu Sagal.
Sasa chi'on do'bima, } Saksa ba'on me'chikma. }	Me'chikma inako man'- ani chin.
Bilnenge-jaknenge, } Bilnenga-jaknenga }	Bimchipe dakani nam- gniba namgijako man'a.
'Timanga-ja'gua.	Maiba kamko daknang- jae duk aro kratcha'ako man'a.
Ka'suang-oksuang, } Ka'sik-oksik. }	Rang'gitik a'sel ong'- anio gisik nangbeani.
Jagok-jabranga, } To'tro ong 'ajagipua. }	Rang'san a'sel ong'a ba kengitikani onga.
Mane-pilte. } Sadotchi-sakimbal. }	A'a aro chi ba a'gilsak. Deritchu saritchu.
Mandekode uia, Bimungkosa man'ja.	Sakkiara man'ja, agan- aranga bang'a ba dak- dika.
Du'kon	Budu rokomsako ga'- dapmanode, Burungo rama branga.

BILSI KARI

Balroro kari

Bal oho balbajok,
Sala tak tak rakbajok.
Salkuri mitmat mitmat,
Wa'ambong tiptap tiptap.

A'siro sio sio salchicha mitcho mitcho,
A'kente chadipana sipsap sipsap.
A'gatek a'ba tua gekgak,
A'anma manggisijok,
Bolnima jakrurongjok.
Wa'anma bangsi sike,
Reruma jaktap doke,
Bolnima knal sale ;
A'ko dimu kitbajok mikmin,
Bolko bijak akbajok balbring.

A' galmak kari

A'galmak smil smil ;
Chiabak kimil kimil ;
Bolchim bite rongrongte dakjok,
Ang'ke danok parangga donjok.
Songna mikka wasisi wajok,
Dana jamdap on'titi pinjok.
Bolko dol dokbajok,
Sangkra agil pinbajok.
Mikkasim jarim sinjok,
A'mang a'dusoako mikmak,
Chikol an'cheng danako danbak.
Dimdil chama chamiting bakritjak,
Bolo ta'jong wekajok jakripak.
Am'pang bibal baliping baljok,
Ta'ja narot gongriting najok.
Jongkitek tiket tiket,
A'kisang mitek mitek.

Chiringo mite achak bekbak,
Patalo do·maski jikjak.
A·kosakchi do·abot tengtang,
Bolgrimo jingjingbeng kakchang;
Bri rike snaru rimitchin baljok.
Chiring chisik chiwaring tangjok,
Wachi dilma a·kinte golijok.
Misi ama bolganchi suakjok,
Me·a galmak pekwakjok,
Ang·ke bi·sa sawatjok.
Te·bidil dilte rajok,
Ang·ke sep malpriprajok.
Bima na·tok sambalna dojok,
Bolni bite agatchi minjok.
A·kisangchi mangguak jikjak,
Gengguana somika mikmak.
Mikkasim pri pri,
Samsimit mri mri;
Bolko dol dokmiting,
Jongdol nating bitmiting.

Misi kari

Misi ama gakguteng ong·jok,
Saksan aba mukuteng tujok.
Salmiriango chenggari satjok,
Rong·brako sepru maljok.
Bolni bite gasambe minjok.
Chiring ang·ke ma·gni bamjok.

Chram bite rangure akjok,
Ru'at skal golikeng maljok.
Bolmitino atata simritek,
A'skochi songrura chongriket.
Misi ning'o techambil minjok,
Boldim grimo do'kru sa'jok,
Bolni renggok bilchajok changtok,
Chini na'ma merajok kugop.
Mikasim ja'chang ja'chang,
Misigong ripang ripang,
A'ko a'ja galange ;
Samdim boldim suange.
A'ba chotna sikpeko,
Samni guktom chengrikang biljok,
Suna samdim sikipako ;
Chipu chalang gitokteng maljok.

Mite Kari

Balsin jajadokjok,
Mima birong gipokjok
Bima rongma rimila mikajok.
Na'chi ku'dep chiringna dobajok.
Dandrak gaggakbajok dareo.
Matchak chakchakbajok a'seo
Te'rik wa'pang gangchajok riprang.
Sipin chalja kebajok bangjang
Jong'dol nating gateke ganjok,
Chengkotama bangtike tujok.
Ganti ringringbajok bolmao.

Jongdompa sringbajok ramao.
Kilbigo gukchru kilding rikjok,
A'gitoko nisote matchuri roramjok.
Jallik wa'pang rimitchin minmiting.
Rasin gingpang similding balmiting.

A'ran Kari

Jabirong asin jajok,
Sinsrik me'gong balbajok.
A'an mega sangkijok,
Kitma bite mikijok,
Udareko tilareng sujok,
Akaruko okgipu wangjok.
Lau patchal nokgilo, donjok
Chikareko dopakkal dojok.
Daningka ongbakjakjok,
A'kinte a'mangrakjok.
An'cheng jinma danmiting.
Bima kasi balmiting.
A'bigil kesubajok,
Tamakku bijimbajok.
Chidil guribajok.
Samna ripamchibajok.
Chini birong chepangjok,
Samin kambe bonangjok.
Do'aran ongonbajok,
Dopa jepjepbajok.
Noksam nokgil adanggit choknokjok,
Chiring chisik na'chitek ong'onjok.

Mat mese balkolko watbajok.
 Na·tok na·bat warina katbajok.
 Changing rongchu similding minmiting,
 Me·jak sireng rimitchin balmiting.
 Sin'a chakna sarao wal·timbajok,
 Kangal am·pakna bolbigil kikbajok.

A·chikrangni bilsi aro karirango mai mai
 obostarang ong·ronga, uaranko man·gope
 agananioann ong'a.

CH RATANG DEPANTENI SIO MANGTATE GRAPA

1. Nang·na mepal misimil sajajokona nang '
 okkrude.
 Nang·na chite chibasal ko·jajokona nang
 salakkimde.
 Mepal chekde okningo dongane ang,
 bipana,
 Chite jang·ki chipbimao songgni ang '
 chrana.
2. Bano janengtakpana bipa nenggitdienga,
 Bano asongdampana challang kajanienga.
 Krongmaan dekdodo nang ' krude, am-
 pang wa'an gakjojo nang ' salikkimde.

3. Bipa janengtakpana kraja,
Challang asongdimpana nitoja.
A'kaweo a'matpajaoba ang' bipa,
Ikgilo ku'tangpajaoba ang' challang.
4. Simchi aragata ang' chra,
Gitok mur sika ang' challang.
Agrango jenggate jilgni,
Nolwaringo nolpake 'dongni.
5. Dachi (samsi) rinok rinokko 'ong'ani,
Jenggan toop toopko galgni.
Grong marem cha'ako mritsilchi gitding-
chi,
An'tang grong repgni.
6. Ki'me samte ba'ako kichongpile janggilchi.
An'tang kime chitgni.
Misi jallang kaenga kororo,
Challang wegimpakchina ine.
7. Saljong rama bakenga poksoso,
Bipa ja'redimchina ine.
Ampang jengjal agalo grong su'mote,
Maina nenggitchienga ang' bipade.
8. Chiring ranggo patalo nachik wingope.
Maina kajanienga ang' do'made.
Bipa dokjinjingimal ang' rangsijokona,
Chra dokjinjingni bima nang' ramajokona.

9. Challang mopitinggimal bipa mopitinggni,
Sajong ballemajokona.
Nang'mao pakma janera gnan,
Milam pakma potnade.
10. Nang'na segin dokatchi gnan,
Bara reding gatnade.
Bangsi wa'an nokbaksa,
Bangsi wae ro'enga,
Nang' mamatangrara.
11. Kinaren jabaksa kinaree ro'enga.
Nang' ogitorara.
Chinna reding gatrime ro'nade,
Milam pakma potrime dongnade.
- Ma'a no, ma'de ma'jong, noska adatang-
rang, mama adani siani salo mange donge,
nang'ni jikde nirok nisolna changjae,
nang'ko siatjok. Da'o nang'ma nangro-
rangon atchi dongnappilebo. Gipinchi
brangangnabe. Chingan nang'ko nirok
sandigen. Nang'ni jongska adatang, ma-
ogitorang bang'a ine minge mangtate
janggiko jamako rimango grapani ong'a.
-

KU·JIKSE ARO AGANMEAPA

Jaraka mangsina, Jasnina	}	Nokni mande sio nokni manderangko aro ri- pengskarangni rokom rokom dakekalaka.
Akim-bak	}	Matcha chikako mong- ma dokako mangipa mandeni mahari gimi- kan uarangni madrang ongpara ua mandeni mahari siode, sopana gopana rebapara ine beba ra'a.
Mangbila De·bila	}	Matcha chike mongma doke siatgipa madeko biaponiko nokoma ra- bara.
Mangsona, Den·sona	}	Badiaba maharioniko saoba so'otode, mahari uni pal ua mandeko ba uni maharioniko so'otska.
Mangkima Manggima	}	Matcha chiko, mongma doko sisrange chika aro doka.
Mikjoma-mikchepa	}	Bilo, gamo uanio aro gipinrango Chu'ong- nikjaechonika ba bamja.
Ku·balwa.	}	Ku·rangsan gamaia, kamde gri.
Kupin nanga. Kumanga	}	Ku·siktangan antangko. dos ong'ata.

Mikkasim gri kimpreta-	}	Rang-gitdik dal'a a'sel
Aram gri goera goa		ong-kata.
Kumikmal,	}	Ku'aganaku'mesokaaro
Samikmal		rokom rokom cholrang-
Samdakgal		chi me'a aro me'chiko
		a'selong'ata.
Ku'nanga	}	Sakgipinko namgija
Ku'nangpila,		ongchina sao sarap on'-
Kubikpila.		ara. ant'angona ong-
		skara.
Agankrek-kraka,	}	Kuaganarang, bewal-
Kukrek-wakrek,		rang mandeskarangna
Kupekkra-wachekkra	}	namnikani ong'ja.
Ku'nangrima		Agananirang, dakbe-
Gananga	}	walrang ripengskaranga-
Mangnama.		na namgni ong'ronga.
Ja'skuo rim'chane-	}	Budepa buchumarang-
Kangkareko rimjange.		ni janggi tangani obo-
		starang.
Ja'skumung apsan-	}	Agredugae buchuma
Ruan chikop manpila.		budepaong'gipa-rang-
		ni ong'ani.
Nokan jaman iasenga-	}	Nokni mande sio, sao
Sara nokkran ng-		aro gipinchi reang'anio
granga.	}	nokna onga'nirang.
Chibasal		A'briangnigisepo ong'-
		katgipa chimik a'rak
		wachi tipja.
Mela mangdongo nok-	}	Cholon aro dakbewal-
sikchi,		rang namja.
Chupekoa me'chikchi.	}	
Kesa kearia,		Mahariko ma'eke agan-
Nangsa nangbakaria,		ani.

Ba'nang Chi'nanga.	}	Bimango, mikkim ra- songo, cholon. aro bewalrango namgipa depante aro demechik- ko ba'a.
Chra-angdekosa, Mahari-Giatdiko- sa kima-donga.	}	Jikko kima, dongasan ong'aija. Indiba Jikni aro seni maharikosa kima-donga.
Mulsano so'rima, Chikongsano chiripa.	}	Jik aro se apsan nang- rime dakani kam.
Ba'chona chi'chona.		De ba'taiani dongjaha.
Ba'breka di'breka	}	Krara gita ong'gija ba- ningninga.
Janggalna mikkangna.	}	De ba'paoba sitokaia de- drangko skiani donga.
Ba'gala-chi'gala,	}	A'brirango basakoba gisep gisep salakima.
Nirok-sandija.	}	Abrirangnia'kongrang'- oni gisep gisep guri chadoa.
Me'mang ampak rama.	}	Salko ba jajongko gise- po dule ehin donga. Manderangni an'tang- ko sao sarap on'e saiako chelatna krita.
Me'mangni song'a, ba Wa'al sika.	}	
Sal krita, Ja krita.	}	
Ja'ma ja'si nanga ba ja'saa.	}	Ribo nanga.
On'songa-bambe,	}	Jik sio, se sio seko on'- taia aro jikko on'taia.
On'rika-songrika.	}	Ma'ni nokko rakkigni- gipa demechik dongja- ode, Noska abitangoniko sandie chrarang on'a.
Ra'gata-salgata,	}	
Su'songa-wegata.	}	
Deragata.	}	

Gando gancha bila.		Ku'atogija kattachi saia
Doka wata	}	Depanteni jik donge
Gran gisi on'a.		jikgipani nokchi re- ango matchu ba do- bokko on'ata. Be enko on'atode gran gisi on'a ine minga.
Jawilwat.		Cinema.
Goerako katepe pala,	}	Bijoliko aro wa'alko
Salgrako su'teke wata.		rokom rokom dake jakkala. .
Nidoe stuo an'tangon,	}	Detangni namgijani gi-
Detangko ka'o nange		min dakoba ma'a paon
dakoba ma'a paaon.	}	ong'pila.
Nidoe stuo mikkangtan-		Apsan mangson-
gon ga'nkaia,	}	gani.
Detangko ka'o nange		
dakgen ong'oba	}	Saiko aram simdape ba-
Paa ma'on ong'aia.		sakoba sal raka aro
Salgra ka'dinga.	}	simdapatai sal raka.
Memang chiko re'a. }		Mande sio mikka jim- bee waa.
Lau chitemagnaag da-	}	Jikko deko name sason
dok,		ka'ani.
Singkare jangking be'a.	}	Dongrimna sikja.
A'rika sanala,		Ka'sae manenge nang-
Am'bol ja'bak gal gnang	}	rime dong'ani
dasat,		
Janggil matchi bolgro	}	Dedrang ma'a paani
nanga.		gamchatgipa gam.
Chonmitingo dedrang	}	
sona rongsa.		

Ja'delahao bobilsa ma'a paana.	}	Dal'ahaon ma'a paako duk aro kratchaaniko on'gipa.
Mejak doldang ritako srome ra'a, Be'en bitin song'ako chugepe pala.	}	Namana bate namgi- jana gisik nangbata.
Ding'beako cha'ningode sre gopropgen, Chanchigija dakningode dukko gronggen.	}	Dakna skang name chanchichengbo.
Bandia }		Ginde dakgipa bostu- rang tin'kara.
Jaminoka-salminoka.	}	Jako aro salko nawang minoka.
Wachini salakde baija, Mandeni gaora de'aba dongkamja.	}	Wachini salde tik ong- gija gita, manderangni gaora de'anirang dong- kamja.
Tua tua dos'ik rika Jakbra kuqanda.	}	Dukni, sukni aro a'sel nanganirango on'grik songgrikani.
Jakisi nanga Jakisi chota.	}	A'sel ong'anirango gro gamgrika, on'skajaode gro chana.
Garima-ilninga.	}	Pilak dakrimanirango apsan ong'grikani.
Garimja-ilningja	}	Pilak dakrimanirango apsan ong'grikja.

Depante ba'a ba De ba'e on'a mama adani
nokko rakkignigipa ma'a noo depante dong-
jachong'motode, gipin jakra.jakasi chane bane
rogipa noska abitangni depanteko tik ka'e, ian

angni ba'gipa depante. Mamani adani nokko rakkigipa ong'e, aldu mittange siatgnigipa ong'-gen, ine tom'bagipa manderangna aganprakna nanga.

Minggipin. depante jik kime siahaode ma'o aro mahario, depanterang dongjaode, sigipani jikgipana on'song damberiknaba, uagitan dakna nanga.

Marang sterang gri'sua	}	Kam cholon name ba
sute nangja.		ong'sia gri.
Marang sterang nangjok,	}	Kam cholon namjajok
Sua sute ong'jok.		ba ong'sijok.

AGANMEAPA ARO KU·JIKSE

Matmeng chikgipa (chagipa), chinalsa donggipa. Apaksao cha'gipa, Chinalsao rogipa.	}	Maharirangon'pajaoba, madrang changrike a'- sel ong'ani. salrango gamgrik sugrika.
Donggru donggipa. ba rogipa.		Nok bang'gija dongte- gipa song ba gittim.
Krong dekdodo,	}	Dakgimin kamrang
Ampang gakjojo.		namja ba arate dak- anirang.
Oktongsisi,	}	Cha'ani ringaniko chiu-
Okchibrotbrot		ong'e man'pajae be'en
Alsokja.		ram'a.

Ramsisiramdenglenga.		Rok rogi man'e be'en
		rama ba cha'na ringna
		krae manpajae ram'a.
Mandean jaksarang.		Je bosturangko jakkalo-
		ba nosto ong'ataia, jak-
		kalnan changja.
Angni jaksiba unon ne		Dedrangni ba ma-
		drangni maiba a'selrang
		ong'on bakko man'para.
Jajumang-jakarichiba,		Jechake aganani.
Jajumangchi jakarichiba		
Manggol datda,		
minrokgola.		Biterang name minja.
Do'bak manchia		Biterang rake aro soe
		mina.
Bolbijakba esepa,		Kegija jik, se dong-
Ke'gijaba jikgipa.		grika.
Do'singa		Biterang minna skang
		simila.
Biok kam kam,		Madrang chong'mot
Ekna chitna manja		
Bio		Mosatang ba boning-
		tang.
Otang		Mamatang.
Niotang		Mamatangni jikgipa.
Alaksi, rubia,		Nok songsulni nanga
Alnamja.		bosturangko bipaoba
		on r'onggijagipa mande.
Sia sigija gita,		Sianggipa segipa ba jik-
bon'na bon'gija gita.		gipana bakbakan segipa
		ba jikgipako on'riktaiani
Sarani wa'lkian sikuja,		
Noksamni rechaman		
talkuja.		Sianggipa segipa ba jik.

Siasan sibo, bon'asan
bon'bo ina gita

gipana rangsan segipa
ba jikgipako on'rikna
nangja, dikdikšana seng
kuani.

Matcha bimung mingjea,
Uri bimang dakjea.

Mande matcha ringlo-
kode ua mandeni bi-
mungko gale d' rang
bimungchi i ra.

Mande uri gipa
naode mikl g bi-
mangko dingrang'ata.

Ranga gama megimin,
Nokol mande do'kimil.

Gamrang dongkama
nokol chakkol dong-
kamja.

Mia misi manggol,
ranga gama ki'gol.

Cha'na mi misi dong-
ode jajrengani dongja.
Tangka sona dongoba
dongkamja.

Mia misi gagong.
mande ska saljong.

Miba misiba gagongo
pangchakesa tanga man
deba mande ska baksa
aro songsul noksul bak-
sa nangrimgrikesa tanga

Cha'songrika, }
Su'chongrika. }
Rai randi, }
randi rai. }

Jik, se sio jik, seko
Gai rika.
Jikgri,
Segri.

KORE BIMA ARO ME-CHIKMA

Skangni chasongo A'chik a'songni banga' a'brirangon mande burung, korerang. tongte-rang aro matchadu matchabetrang bang'en donga ine agan'fitinganirang gnanng. Uarangko nikkipa aro groi ' t-pa manderangba donga ine aganani-rangko ana mana.

Changsaõ badiaba song damsaoni me'chikma saksa a'ba game atam salniachibara kok ole noktangona re'baengachim. Uni song a'baoni aditan chel'achim aro burung diltuachim.

Songona chel'engpition ua ramao kore bimako grongdika'ia. Rangsang kore bima me'chikma-ko pakkol sepe, hai da'alde an'ching kore dok-grikna ine agal aro seksodamchi salangaha. Me'-chikma aganaha, angade kore dokna manpaja ine jechakbeaha. Indiba kore bima watgija gi-pake haisan hai aganaichim. Kore bimaora kimil dikbeachim, aro inditan uni andil seenga-kon chaknan ampiljachim. Maiko dako jokani chol ong'gen ukon uipiljajok. Maina kore bimara bilakachim.

Rangsang me'chikma an'tangni me'tra chon-mitingo buchuma jinmani golpo ka'e romitingo dongpae knagipa katako gisik ra'gitdikaha. Ua katara ' basakoba kore bimako grongdike nang'ko

kore dokgrikna ine rim'ode, kore doko kore bata; cha'e nio rongboldok bon'a ine kore dokgrikaibo. Unon nang'ko wate katangaigen.'

Ua katako rangsan gisik ra'gitdike me'chikma, Kore doko kore bata, cha'e nio rongbol dok bon'a,' ine kore dokaton korema bima aganaha, aiao angade nang'kode amchakjawa ine agane wate katangaha. Unosa me'chikmaba jokako man'e ku'si ong'e nokona re'baha.

Basako basakobade me'apa budeparang aro me'chikma buchumarangni katarang namen gamchatbea. Chasong damberang uarangna gisik nangbo ine mol'mola. Ian namgipa ku'patiani ong'a Indakgipa katarang cha'song gita gimangengaha.

87/4
11.4.96.
Blum.